

ԼՈՒՄԱՅ

ԴՐԱԿԱՆ ՀԱՆԴԻՍԻ

1898 թ.

Բ. ԴՐՔԻ

ՅԱԽԵԼՈՒԱԾ

ՄՕՐԷԻ ԻՇԽԱՆ

ՊԱՏՄԱԿԱՆ ՎԷՊ

Թարգ. Վահան Ծ. Վ. Բաստանեան

(Սկիզբը՝ 1—48 երես տպուած է «Լումայ»-ի 1898 թ.
Ա. գրքում):

THE

LIBRARY

1883

1883

1883

1883

1883

1883

1883

հիւանդութիւնդ և մնում ես այստեղ երեկոյեան խոնաւութեան ժամանակ: Գնա՛ տուն, աղջիկս, գնա՛:

Աննան հնազանդուեցաւ. նա լռիկ գլուխ տուեց խամարէթին և հեռացաւ: Պետրալիֆասը մնաց Առիւծի հետ:

— Այո՛, սիրելիս, ասաց նա, վերականգնել կայսերական գահը: Այդ յոյսից իմ ծերացած սիրտս բաբախում է չորացած կուրծքիս մէջ պինպէս, ինչպէս երիտասարդական արիւնը եռում է ձեր երակների մէջ: Իմ մարող աչքերս դեռ ևս յոյս ունին տեսնել այդ երջանկութիւնը առաջ քան թէ կփակուին յաւիտեան: Իմ փեսաս, ելլադայի իշխանը, զոհում է իւր թագը, իւր գանձերը և իւր իշխանութիւնը մեր ազգի ազատութեան համար: Այո՛, իւր թագը, կայսերական թագի այդ բեկորը, ազատուած մրրիկից, նա ոգևորութեամբ կտայ Աստուծոյ ընտրեալ կայսրին, երբ կհասնի այդ մեծ օրը: Բայց մենք չբարտեալ բաւականանանք միայն անհիմն յոյսերով և պարտաւոր ենք միտը պահել արգելքների բոլոր ծանրութիւնը: Փրանկները — սարսափելի թշնամիներ են. նոցա մարմինները նոյն պողպատից են, որից և նոցա զրահները: Եւրոպան հեղեղում է նոցա անսպառելի լէգէոններով: Փրկչի գերեզմանը մոռացուած է Յունաստանի պատճառով, և ամեն օր նոր, ագահ, ասպետները յարձակում են մեր անբախտ հայրենիքի գիշատած դիակի վերայ: Նոցա ոյժին մենք կարող ենք դէմ դնել միայն մի զէնք — նոցա իսկ ոյժը, կամ՝ եթէ կամենում ես ուրիշ խօսքերով ասեմ՝ երկպառակութիւնը մեր նուաճողների մէջ:

— Կայ և մի ուրիշ զէնք, աւելի նպատակայարմար — միութիւն մեր մէջ, պատասխանեց խամարէթը: Թող լինի մեր մէջ մտքի միութիւն, շահերի ընդհանրութիւն, թող միայն մի զգացմունք, եղբայրութեան զգացմունքը շաղկապէ մեզ անքակելի կապերով բոլոր կեանքի մէջ, անքակելի մինչև մահը:

— Այո՛, ի հարկէ, ասաց ծերունին, միութիւնը — մեր շինուածքի հիմն է, և այդ շինուածքը հիմնարկելու համար ես առաջարկում եմ ձեզ ձեռքս իմ փեսայի կողմից: Շինուածքի հիմունքը — ազգի շահերը: Բայց ամենից աւելի մենք պէտք է զդուշանանք և ծածկենք թշնամուց մեր ոյ-

ժերը: Ուրեմն, մեր մէջ միութիւն բայց ծածուկ. նոցա մէջ — երկպառակութիւն: Առաջինը կախուած է մեզանից, երկրորդը առաջ է գալի մեզ հանգամանքի բերմունքով:

Այդտեղ ծերունին բռնեց երիտասարդի ձեռքը և ասաց նորա ականջին.

— Իմացէ՛ք ուրեմն երևելի գաղտնիքը. հաղորդում եմ ձեզ այդ իբրև առհաւատչեայ մեր միութեան: Ոչ դք չը գիտէ այստեղ այն բանը, ինչ որ ես կասեմ ձեզ. չգիտէ այդ մինչև անգամ ինքը կուսակալը. — նորան, Վիլարդուի-նին, փոխում են:

— Փոխում են, ասաց Խամարէթը, մի՞թէ: Բայց, ի հարկէ, նորա փոխանակ կուղարկեն Պելուպոնէսի համար մէկ ուրիշին:

— Այո, պատասխանեց Պետրալիֆասը. Շամպլիտը կարգում է իւր եղբորորդուն Մօրէի իշխան:

— Բայց մեզ ի՞նչ գործ այդ բոլորի մէջ: Ի՞նչ օգուտ կստանանք մենք նորանից, որ կփոխեն այն ձեռքը, որ ամրացնում է մեր շղթաները: Վիլարդուի-նի ձեռքը գոնէ բաջ է և արդարասէր:

— Բայց մի՞թէ դուք կարծում էք, հարցրեց ծերունին, որ կուսակալը իւր իրաւունքները կտայ նոր իշխանին:

— Չեմ կարծում, նորա ինքնասիրութիւնը մեծ է և դիւրագրգիռ, և ես չեմ կարծում, որ նա իրաւացի համարէր հեռանալ մի երկրից, որը նա ինքն է նուաձել:

— Բայց ի՞նչպէս էք կարծում, Շամպլիտի եղբորորդին կհրաժարուի՞ այն իշխանութիւնից, որ տալիս են նորան:

— Ի հարկէ ո՛չ, նա կընդունի այն:

— Դէ՛, ուրեմն ահա ինչ օգուտ կստանանք մենք դրանից, ասաց Պետրալիֆասը — երկպառակութիւն նոցա մէջ: Մինը կկամենայ տիրել Մօրէին, միւսը կաշխատէ իւր ձեռքին պահել այդ աւարը: Իսկ մեզ մնում է միայն պահպանել երկպառակութիւնը և քաղել նորանից մեր օգուտը: Լսեցէ՛ք, Վիլարդուի-նը հզօր է Պելուպոնէսում. այստեղի բոլոր բարոնները նորա ընկերներն են զէնքով, և ամենքը ուրախութեամբ կկանգնեն նորա դրոշակի տակ: Նորա հա-կառակութիւնը նորեկ իշխանի դէմ, — իսկ հակառակութիւն կլինի, ես հաւատացած եմ, — կվերջանայ յօգուտ Վիլ-

լարդուինի—գորա մասին չէ կարող անգամ կասկած լինել: Բայց, ենթադրենք, որ դուք, իմ սիրելի՛ Առիւծ, կոչեք կշեռքի մէջ ձեր թուրը և ձեր հին զինակիցների թրերը յօգուտ Շամպլիտի: Այն ժամանակ ոյժերը հաւասարա-կշռութիւն կստանան և նորա կսկսեն ջնջել միմեանց: Իսկ արտաքին ցոյցը կլինի այն թէ՛ Յունաստանը իբր պաշտպանում է իւր օրինաւոր իշխանին, որպէս վայել է հաւատարիմ հպատակներին:

—Բայց եթէ Վիլլարդուինը կնահանջէ՞, նկատեց Խա-մարէթը:

—Այդ դիպուածում, պատասխանեց Պետրալիֆասը, մեր գործի կէսը կատարուած կլինի: Այստեղից կհեռանայ փորձուած մարդը, որի իշխանութիւնը արմատացել է, որի ազդեցութիւնը հաստատուում է սրով և արդարասէր կու-սակալի համբաւով. իսկ նորա տեղը կբռնէ մի անծանօթ իշխան, որ ոչինչ տեղեկութիւն չունի իւր նոր կալուածքի մասին, որ ծանօթ չէ նոր ընկերների հետ:

—Ձեր խորհրդածութիւնը փայլում է խորին իմաս-տութեամբ, և ես պատրաստ եմ հետևել դորան, պատ-րաստ եմ կանգնել մեր ճնշողներից թոյլի կողմը: Ես ո-չինչ բանով պարտաւորուած չեմ Վիլլարդուինից. ես մա-տուցի նորան Լակեդեմոնի բանակները, երբ նա այլ ևս չունէր պաշտպաններ, բայց ես ինքս ինձ աքսորեցի իմ մայ-րենի բաղաքից և Պելոպոնէսից: Միայն ձեր ստիպելով ես համաձայնուեցայ ուղեկից լինել ձեզ այստեղ:

—Ձեր տեղը, — այստեղ է, որդի՛ս: Եթէ անցեալը ձեզ դաւաճանեց, ձեզ մնում է ապագան: Տեսակցեցէք ձեր հին զինակիցների հետ և յորդորեցէք նոցա կանգնել Շամպլիտի կողմը, ընդդէմ Վիլլարդուինի:

—Մեր պարտաւորութիւնն է իսկպէս — կանգնել եր-կուսի դէմ, պատասխանեց Խամարէթը:

—Բայց խոհեմութիւնը պահանջում է, որ մենք ստի-պենք նոցա ջարդել միմեանց:

Այդ ժամանակ պարտիզումը լսուեցան ոտի ձայներ:

—Ով որ գալիս է, ասաց Պետրալիֆասը: Հարկաւոր չէ, որ մեզ տեսնեն միասին: Գնացէք:

Երբ Խամարէթը գնում էր, Պետրալիֆասը դարձեալ բռնեց նորա ձեռքը.

— Գաղտնի միութիւն մեր մէջ, երկպառակութիւն նոցա մէջ— ահա մեր նշանաբանը, ասաց ծերունին կամացուկ:

Եւ նա ճանապարհ ձգեց հիւրին մինչև պարտիզի դռնակը, իսկ յետոյ ընդ առաջ գնաց այն անձին, որի բայքերի ձայնը լսւում էր պարտիզում: Առաջին հայեացքից Պետրալիֆասը ճանաչեց իսկոյն Նօնին իւր մորթեղէն շորերի մէջ:

— Դուք պատրաստ է՞ք, Նօն, հարցրեց նա:

— Ես սպասում էի միայն ձեր վսեմափայլութեան: Ես կամենում եմ դուրս գնալ Լակեդեմոնից դեռ լոյսը չըբացուած: Գիշերով պատրաստվում են ճանապարհ ընկնել բոլոր հովիւները:

— Գնա՛, սիրելի՛ս, հաւատարիմ և մտերիմ, աշխատիր աւելի ևս արժանանալ իշխանիդ շնորհակալութեան: Բեր Ռօբէրին, բայց հսկիր նորա վերայ: Սակայն խորհուրդ տուր նորան վերցնել իւր հետ լաւ թիկնապահներ: Վիլլարդուինը այնպիսի մարդ չէ որ, որ ձրի տուր տայ հարուստ աւարը: Ասա նորան ի միջի այլոց, որ մենք մեր կողմից գործ ենք դրել հարկաւոր միջոցները, որ մենք արդէն հոգացել ենք ըստ կարելոյն մաքրել նորա ճանապարհը: Ասա նորան, որ եթէ Վիլլարդուինը կընդդիմանայ, որպէս ես կարծում եմ, ես առաջարկում եմ իշխանին Պելուպոնէսի յոյների օգնութիւնը:

— Ներեցէք հարցնեմ, ի՞նչ կերպով կլինի այդ:

— Առիւծ Խամարէթի աջակցութեամբ:

— Նորա, որը պաշտպանում էր Լակեդեմոնը ընդդէմ Վիլլարդուինի:

— Իսկ նորա: Ես գտել եմ երկու զսպանակ, որոնք կառավարում են նորան:

— Փառասիրութիւն և օգո՞ւտ, ի հարկէ:

— Ոչ, ազգասիրութիւն և սէր:

— Սէ՞ր:

— Սէր առ իմ թոռնուհին: Ես պահում եմ նորան երկիւղի և յոյսի մէջ— դա ամենագոտակար հնարն է: Անշան այնուամենայնիւ մնում է նշանակուած Պելուպոնէսի ա-

պագայ իշխանի համար: Նա կդառնայ Գօղթորիդի, կինը եթէ Վիլլարդուինը կմնայ այստեղ, կամ Ռօբէրի, եթէ նա կգայ:

—Նա կգայ, պատասխանեց Նօնը, և կգա, ցնորուած սիրահարութիւնից:

—Դէ, ուրեմն, բարի ճանապարհ, ասաց Պետրալի-Փասը. քո իշխանի շահերը քո խոհեմութեան և ճար-պիկութեան ձեռքումն են:

Կեղծ հովիւը գնաց:

Մինչդեռ այս բոլոր անցքը կատարուում էր Պետրալի-Փասի մօտ, Վիլլարդուինը, տուն վերադառնալով, գնաց ուղղակի իւր սենեակը: Բայց որչափ մեծ էր նորա զար-մանքը, երբ տեսաւ իւր սեղանի առաջ բազկաթուռի մէջ ա-բեղայական հագուստով մի մարդ քնած, որ սաստիկ խռնչում էր: Բայց կուսակալը իսկոյն ծիծաղեցաւ բարձր ձայնով և ձեռքը զարկեց քնածի ուսին: Նա սթափուեցաւ և աչքե-րը շփեց:

—Ախ, իրաւունք ունիք, ձերդ պաշտօնափայլութիւն, ասաց նա: Աւելի ախորժելի է քնել Մօրէի կուսակալի բազ-կաթուռի մէջ, քան թէ ճանապարհորդել դէպի Քրանսիա:

—Ե՞րբ ես ճանապարհ ընկնում, հարցրեց Վիլլար-դուինը ժպտալով:

—Այժմ իսկոյն, պատասխանեց Մատիօ դը-Մօնսը: Նօնը պէտք է դուրս գնայ կէս գիշերին, և որովհետեւ նա պէտք է վճարէ իմ ճանապարհածախքը, ուստի չէ հար-կաւոր ստիպել նորան սպասել ինձ:

—Լաւ ես ասում, գնա, և վերադարձիր.... որքան կարելի է ուշ:

—Հնորհակալ եմ բարեմաղթութեանդ համար: Բայց ամենից առաջ հարկաւոր է ձեզանից մի նամակ ստանալ:

—Ո՞ւմ անունով:

—Վենետիկի Դօժի (կուսակալ): Նա մեծ պետ է, և ես կամենում եմ ծանօթանալ նորա հետ:

—Դու Գիտես, որ նա իմ լաւ բարեկամն է: Ի՞նչ է հարկաւոր գրել նորան:

—Շատ մեծ վստահութիւն չի՞ լինի, արդեօք, իմ կող-մից, եթէ խնդրեմ ձերդ վսեմափայլութիւնից գրել Դօժին, որ ես ձեր սիրելի բարեկամն եմ և թէ նա կարող է հա-

ւատալ ինձ այնպէս, ինչպէս յատուկ ձեզ:

Վիլլարդուինը ջերմ կերպով սեղմեց Մատիօի ձեռքը: Նա գրեց նամակը և յանձնեց դը Մօնսին:

— Յանկանում եմ բարի ծանապարհ, ասաց նա, գրեթէ նոյն խօսքերով, ինչպէս և Պետրալիֆասը Նօննին: Յանձնում եմ իմ վիճակս քո խոհեմութեան և քո մտերմութեան:

7

ՌՈՐԷԻՐԸ ՊԱՏՐԱՍՏԻՈՒՄ Է ԺԱՆԱՊԱՐՀ ԸՆԿՆԵԼՈՒ:

Արշալոյսը դեռ նոր էր բացւում երբ Մատիօ դը-Մօնսը դուրս գնաց Լակեդեմոնից: Մի երկու ժամից յետոյ նա հասաւ հովուին, որ գնում էր առաջից. նա յարգանքով համբուրեց սորա աջը: Մատիօն ճանաչեց հովուի շորերով Նօննին և օրհնեց նորան:

Յետոյ Դը-Մօնսը գնաց աջ, իսկ հովիւը ճանապարհ բռնեց ձախ: Մի ժամից յետոյ Մատիօն հասաւ առաջին գիւղը և մի ձի վարձեց այնտեղ: Այդպէսով նա հասաւ Պօնտիկօ փոքր ինչ առաջ Նօննից, որը նոյնպէս վարձեց իւր համար մի ձի, երբ բաւական հեռացաւ Լակեդեմոնից:

Նօննը մտաւ նաւը: Դը-Մօնսը նաւաստիի պաշտօնով վարձուեցաւ նոյն նաւի վերայ: Նոցա ճանապարհորդութիւնը Պելոպոնէսից մինչև Քրանսիա աւելի յաջողակ էր և արագ, քան թէ առաջին անգամ: Երբ հասան Մարսէլ, նաւապետը ոռձիկ բաժանեց նաւաստիներին: Դը-Մօնսը յանդգնութեամբ վարուեցաւ նաւապետի հետ, որը բարկացաւ և դուրս արեց նորան: Մի քանի օրից յետոյ Մատիօն հասաւ Շամպլիտ Փարիզի ճանապարհով:

Նա իսկոյն ներկայացաւ Ռօբէրին: Դը-Մօնսը կանգնած էր նորա առջև մեռելի պէս դեղնած. նորա ոտները դողում էին:

— Մատիօ դը-Մօնս, գոչեց Ռօբէրը, փոքր ինչ յօնքերը կնճռելով: Երգվում եմ սուրբ Դիօնէսիօսի անունով, որ այս հրաշք է: Երևի, սիրելիս, շատ հաւանեցիր Փարիզ: Ես սկսում էի կարծել, որ դու արդէն թագաւորի

մօտ պտշտօն էիր գտել կամ գնացել էիր արդարոց բնակարան:

— Այո՛, ձերդ բարձրութիւն, պատասխանեց դը-Մօնսը նուազ ձայնով, յիրաւի, ես անարժան մեղաւորս, քիչ էր մնացել, որ գնայի արդարոց բնակարանը:

— Ինչպէս, հի՞ւանդ էիր, հարցրեց Ռօբէրը:

— Մի՞թէ կարելի՞ է հարցնել այդ ինձանից: Ես կարծում էի, որ իմ դողդոջուն անդամներս և իմ մեռելատիպ դեղին երեսս ցոյց են տալիս իմ դրութիւնը:

— Ուղիղ է, երեսդ... ո՛հ խեղճ: Դու դեղին ես ինչպէս Ղազարոսի մեղրամօմի արձանը. առաջ ինձ թուեցաւ թէ սպիտակ ներկ ես քսել երեսիդ:

— Այո՛, մահու ներկ, խղճալի ձայնով ասաց դը-Մօնսը: Ո՛հ, նզոված Փարիզ. նորա փողոցների ցեխից և նորա Սէնի ճահճային ափերից ես ստացայ ամենասաստիկ տենդացաւ, որը քիչ էր մնացել հնձէր ինձ ծաղիկ հասակումըս: Թոյլ տուէր ինձ նստել, ձերդ բարձրութիւն. ոտներս դողում են ինչպէս եղէգն:

— Նստիր, նստիր, ասաց Ռօբէրը, ցոյց տալով աթոռը: Տեսնում եմ, որ դու շատ թոյլ ես: Բայց մեկ-նիր ինձ մի բան: Երբ ես կորցրի համբերութիւնս սպասելով բեզ, նամակ գրեցի Փարիզ մի բանի բարեկամներին և մի բանի պալատականներին, որ մի տեղեկութիւն հաղորդէին ինձ քո մասին. բայց դուրս եկաւ, որ նոցանից ոչ ոք ոչ տեսել էր բեզ և ոչ լսել քո մասին:

— Հասկանալի է, որ ոչ ոք ոչ տեսել է ինձ և ոչ լսել մի բան իմ մասին: Մի՞թէ դուք կարծում էք, ձերդ բարձրութիւն, որ եթէ Փարիզում իմանային, որ ես գնացել էի այնտեղ փող գտնելու ձեզ համար, կարող էի գլտնել այդ փողը յիսուն տոկոսից պակաս: Պելոպոնէսի ապագայ իշխան. — որպիսի գիւտ իսրայէլացի վաշխառուների համար: Ո՛հ, ես ծածկում էի այնտեղ կեղծ անունով:

— Ա՛խ, որպիսի գեղեցիկ միտք: Բայց ի՞նչ անուն էիր կրում դու այնտեղ:

— Ի՞նչ անուն էի կրում: Ո՛հ, ես կոչվում էի...

Այո՛, ես կոչւում էի Մօնէլ դը-Մօնֆօր:

— Այո՛, այժմ ես հասկանում եմ թէ ինչո՞ւ ոչ ոք

ոչինչ չգիտէր քո Փարիզում լինելու մասին: Բայց անուանըդ փոփոխութիւնը և Փարիզի մէջ երկար մնալդ գոնէ որոնք հետեանքի հասցրին բեղ:

— Հետեանքն էր ութը հազար ոսկի:

— Ինչ ես ասում, բացականչեց Ռօբէրը և նորա աչքերը փայլեցան:

Եւ երախտագիտութեան զգացմունքով յափշտակուած նա բռնեց Մատիօի երկու ձեռքը: Երիտասարդ Շամպլիտը դեռ երբէք իւր ձեռքին այդպիսի գումար չէր ունեցել:

— Բայց երևի թէ, սկսեց նա, չափաւորելով իւր գեղորութիւնը, դու փոխ ես առել այդ գումարը քառասուն կամ յիսուն տոկոսով: Այդ նոր իշխանութիւնս կադրատացնէ ինձ առաջ քան թէ կհարստացնէ:

— Ո՛հ, ինչպէս դողում են ոտներս, ասաց Դը-Մօնսը: Երբ ես մաքառում էի մահու հետ, միւսնոյն ժամանակ ես մաքառում էի և վաշխառուների հետ: Վերջ ի վերջոյ ես յաղթեցի և մէկին, և միւսին: Առաջ ջՏուգները պահանջեցին յիսուն տոկոս, իսկ ես առաջարկեցի նոցա տասնևհինգ — համաձայնութիւնը չկայացաւ: Երկու շաբաթից յետոյ նոքա իջան քառասունին, իսկ ես տասներկուսին — մենք դարձեալ չկարողացանք համաձայնուիլ: Ելի մի երկու շաբաթից յետոյ ջՏուգները իջեցրին երեսունին, իսկ ես տասից աւելի չտուի: Վերջապէս, սպասելով դարձեալ երկու շաբաթ, վաշխառուները առաջարկեցին ինձ փողը քսան տոկոսով, իսկ ես խօսք բացի միայն ութի մասին: Վերջ ի վերջոյ, ջՏուգները տեսան, որ գործը գնում է նոցա համար փնտրակար կերպով: Իսկ ես իմ կողմից տեսայ, որ բանագնացութեանց մէջ կորցրել եմ ամիս ու կէս: Մենք համաձայնուեցանք տասը տոկոսով:

— Տասը տոկոսով, գոչեց Ռօբէրը ուրախութիւնից, փարուելով Մատիօ դը-Մօնսի վզով: Սիրելի՛ս, աւելացրեց նա, երբ ես կհասնեմ Պելլպոնէս, քեզ կտամ ամբողջ իշխանութեան կալուածքներից ամենալաւը: Ամենից առաջ քեզ թոյլ կտամ ընտրութիւն անել:

— Ո՛հ, ձերդ բարձրութիւն: Իմ միակ ցանկութիւնն է որքան կարելի է շուտով տեսնել ձեզ ձեր հպատակների մէջ:

—Դու ինձ մատուցիր խիստ մեծ ծառայութիւն, իմ բարի Մատիօ, և այնպէս ի դէպ, այնպէս լաւ ժամանակէն արդէն վճռել էի գնալ առանց քեզ սպասելու, եթէ դու չվերագառնայիր էլի մի շաբաթ. ձմեռը հետու չէ։ Բայց երեկ տեղեկութիւն ստացայ Պելոպոնէսից։ Ելլադայի իշխանի աները այժմ Վիլլարդուինի մօտն է։ Դու գիտես, որ նա առջարկել էր իւր աղջիկը ինձ կնութեան։ Պետրալիֆասը հաղորդում է ինձ, որ Պելոպոնէսի կուսակալը գուցէ յօժար կամքով տուր չտայ ինձ իւր տեղը։ Երկիւղ կրելով նորանից, Պետրալիֆասը աշխատում է յորդոյել յոյներին անցնել իմ կողմը. բայց նա կարծում է որ՝ և ես պէտք է հասնեմ այնտեղ այնպիսի զօրութեամբ, որը կարողանար ազդել յարգանք և երկիւղ։

—Այդ աները, ինչպէս երևում է, խոհեմ և խելացի մարդ է. նորա խորհուրդը հիանալի է, և բարեբախտաբար դա այժմ ձեզ համար դիւրակատար է. այժմ դուք ունիք փող։ Իմ կարծիքով, պէտք չէ ժամանակ կորցնել և այս օրից իսկ հարկաւոր է զօրք կազմել։

—Այս օրից ի՛սկ, այս րոպէից ի՛սկ, և քեզ եմ յանձնում ժողովել յիսուն ձիաւոր, նիզակներով զինաւորուած, և յիսուն հետեակ զինուոր։

Այդ խօսակցութիւնից յետոյ Մատիօն գտնուում էր մշտական հոգսերի մէջ. նորա գործունէութիւնը անխնջ էր։

Նա միշտ շարժողութեան մէջ էր. վազվազում էր ամեն կողմ, առնում էր զէնք, գնում էր ձիեր, վարձում էր զինուորներ։ Բայց նա այնպէս խիստ էր ընտրութեան մէջ, այնպիսի ուշադրութիւն էր դարձնում յատկութեանց վերայ, երկրորդական բան համարելով քանակութիւնը, որ առաւօտը հաւանած ձին երեկոյին անպիտան էր համարում, և երեկ ընդունած զինուորին այսօր ջնջում էր ցուցակից։

Տասներկու օրից յետոյ, Ռօբէրը, կանգնած պատուհանի մօտ, բաւականութեամբ ցոյց էր տալիս Նօնին Մատիօի վերայ, որ անցնում էր բակով երեք նոր վարձած զինուորների հետ, որոնք երեւում էին սաղաւարտի, զրահի և զէնքի ծանրութիւնից։ Նօնը փոքր ինչ նախանձում էր այն հաւատընծայութեան, որ Ռօբէրը ցոյց էր տալիս Մատիօին։

— Իմ հայրենիքում, ասաց Նոննը, պատմում են, որ երբեմն մի կին կար, որ հիանալի կերպով գործում էր կըտաւ: Բայց նա ունէր մի զարմանալի հիւանդութիւն—ինչ որ ցերեկը գործում էր, գիշերը բոլորը քանդում էր: Այդպէսով նա միշտ զբաղուած էր գործով, բայց գործը առաջ չէր գնում: Ինչ թւում է, որ ձեր զօրքի ժողովելը կատարւում է գրեթէ նոյն արագութեամբ, ինչպէս գործւում էր գեղեցիկ Պենէլոպէի կտաւը:

— Նոնն, պատասխանեց Ռոբէրը, ես նկատում եմ, որ դուք չէք սիրում Մատիօ Դը-Մօնսին:

— Գուցէ: Բայց այն, ինչ որ ասում եմ ձեզ, կատարեալ ճշմարտութիւն է: Ահա անցաւ արդէն 12 օր, ուրեմն ձեռքը և նորա հետ կապուած բոլոր վտանգները ճանապարհորդութեան համար մօտեցան 12 օրով: Սակայն, Դը-Մօնսը պատրաստ է:

— Ի՞նչպէս, դուք կամենում էք, որ 12 օրում զինուորուած պատրաստ լինի մի ամբողջ գունդ զօրք:

— Հաւատացնում եմ ձեզ, ձերդ բարձրութիւն, այդ միջոցում նա կարող էր կազմել մի խաչակիր արշաւանք:

— Այդ նշանակում է պահանջել անկարելի բան:

— Չգիտեմ, պատասխանեց Նոննը: Բայց սարերը ծածկվում են ձնով և ալեկոծութիւնները արդէն սկսվում են ծովի վրայ: Բացի սորանից՝ Պելոպոնէսում ես լսեցի, որ ձեր հօրեղբայրը իբր խոստացել է Վիլլարդուէինին իշխանութիւնը, եթէ չի ուղարկի իւր յաջորդին մինչև գարունը:

— Ի՞նչ էք ասում, գոչեց Ռոբէրը. ուղի՞ղ է այդ արդեօք:

— Չգիտեմ ուղիղ է թէ ոչ, բայց այնուամենայնիւ այդ բանի մասին խօսում էին այնտեղ: Եւ եթէ ուղիղ էլ չլինի, ձերդ բարձրութիւնը ոչինչ չի կորցնի փոքր ինչ աւելի շուտ հասնելով իւր երկիրը: Իսկ եթէ ուղիղ է,—ձեր օգուտը մեծ կլինի:

— Ո՛հ, ի հարկէ, ի հարկէ, ասաց Ռոբէրը, շփոթուած քայլելով սենեակի մէջ: Եթէ այդպէս է—այդ ուրիշ բան է: Ես հաւատացած եմ սակայն, որ իմ թիկնապահները դեռ ևս պատրաստ չեն:

Ռօբէրը ձայն տուեց իւր պալատականներից մէկին և պատուիրեց կանչել Դը-Մօնսին:

— Եթէ նորա պատրաստ չեն, աւելացրեց Ռօբէրը, ինչպէս էք կարծում, կարո՞ղ ենք ճանապարհ ընկնել չսպասելով նոցա:

— Ինչպէս և լինի, պատասխանեց Նօննը, փոխանակ այստեղ սպասելու մինչև գարունը ամբողջ զօրքին, լաւ է գնալ այժմ իսկոյն, մինչև անգամ մին միայնակ:

— Այո՛, ի հարկէ, ասաց Ռօբէրը, պատասխանելով աւելի իւր մտքերին, քան թէ իւր խօսակցի ասածներին: — Եթէ այդ ուղիղ է, մեզ պէտք չէ ուշանալ: Գնում ենք, գնում ենք... Տեսնենք ի՞նչ կասէ մեզ Դը-Մօնսը:

— Ի՞նչպէս են ընթանում մեր պատրաստութիւնները, սիրելի Մատիօ:

— Հաւատացնում եմ ձեզ, որ անկարելի է կատարել բոլոր գործերը մի օրում, պատասխանեց նա. բայց և այնպէս ամեն բանը գնում է հսկայական քայլերով: Յոյս ունիմ, որ շուտով բոլորովին պատրաստ կլինինք: Ընտրութիւնը շատ դժուար է: Զինագործները ոչինչ չեն հասկանում իւրեանց արուեստի մէջ ամենքը խարդախ են և խաբեբայ, արժան էր կախ տալ նոցա: Երեկ երեկոյին գնեցի երեք ձի, այսօր նայում եմ — մէկը կոյր է, միւսը քոռացած, երրորդը վնասուած ջրից: Ես էլ վերադարձրի նոցա իւրեանց տէրերին, տալով և հարկւրական զարկ փայտով, իբրև յաւելուած:

— Ա՛խ, ասաց Ռօբէրը, ահա՛ թէ ինչու համար Նօննը ասում է, թէ դու նման ես մի նորան Ժանօթ կնոջ, որ ցերեկը կտաւ է գործում, իսկ գիշերը քանդում է:

— Ես հանաք էի անում, ասաց Նօննը, կարմրելով:

— Ճշմարիտ է, պատասխանեց դը-Մօնսը, նոյնպէս կարմրելով. — ես շատ խիստ եմ ընտրութեան մէջ, կազմելով մեր թիկնապահ գունդը: Ես ցանկանում եմ որ զօրքը արժանի լինէր ուղեկցել ձերդ բարձրութեան: Ես չեմ կամենում ճանապարհ հանել ձեզ կաղ զինուորներով կոյր ձիերի վերայ:

— Նօննը ասում է, թէ փոխանակ սպասելու զօրքի կազմելուն, աւելի լաւ է, որ գնանք առանց թիկնապահների:

— Ինձ թուում է թէ՛ պարոն Նոննը շատ է շտապում: Երևի նա կամենում է, որ դուք անցնէք ամբողջ Եւրոպայով ինչպէս մի բախտախնդիր ոմն: Մի՞թէ նա կամենում է, որ դուք հասնէք ձեր երկիրը և անձնատուր լինիք ձեր հպատակներին, սպասելով թէ. — կբարեհաճի՞ն արդեօք նորա ընդունել ձեզ կամ դուրս անել:

— Բայց, գիտե՞ս դու արդեօք թէ ի՞նչ է լսել Նոննը Պելոպոնէսում, ասաց Ռոբէրը: Եթէ ես մինչև գարունը չեմ հասնի այնտեղ, իմ հօրեղբոր խոստմունքին համաձայն, իշխանութիւնը կգառնայ Վիլլարդուինի սեփականութիւն:

— Առաջներ, գոչեց Դը-Մօնսը, փոքր ինչ գեղնելով և հազելով: Յայտնի բան է առաջներ. միթէ այդ կարելի է:

— Ինձ էլ նույնպէս անկարելի է թուում: Բայց, ինչպէս Նոնն է ասում, եթէ մենք կհասնենք Պելոպոնէս աւելի շուտ, դորանով ոչինչ չենք կորցնի, իսկ եթէ կհասնենք շատ ուշ — կարող ենք ամսոսալ: Ուստի ես կերթամ մենակ:

— Ես բոլորովին համաձայն եմ պարոն Նոննի կարծիքի հետ, ասաց Մատիօն, նկատելով թէ, որ կողմից է փրչում քամին: — Այո, ի հարկէ, ձերդ բարձրութիւնը պէտք է ճանապարհ ընկնի, և որքան աւելի շուտ, այնքան աւելի լաւ: Գնալ առանց թիկնապահ զօրքի, իմ կարծիքով, մեծ սխալմունք և մեծ անբախտութիւն կլինէր: Մենք կմտնենք մի երկիր, որը գուցէ թշնամի է մեզ, ուր հարկաւոր էր երևալ ձեզ հզօր դիրքով, որը կարող լինէր երկիւղ ազդել: Մենք կանցնենք մեզ բարեկամ երկրներով, ուր դուք պէտք է երևաք արժանաւոր կերպով, որպէս զի յարգանք ազդէր:

— Բայց այնուամենայնիւ մի տեղ հասնելու համար հարկաւոր է ճանապարհ ընկնել, ասաց Նոննը:

— Ես էլ միևնոյնն եմ ասում, պատասխանեց Դը-Մօնսը: Որքան և շատ հարկաւոր լինէր թիկնապահ զօրքը, ես կառաջարկէի չսպասել նորան, եթէ նա չլինէր պատրաստ: Բայց բարեբախտաբար...

— Ելինի՞ արդեօք մի շաբաթից յետոյ, հարցրեց Ռոբէրը:

— Երեք օրից յետոյ, պատասխանեց Դը-Մօնսը:

— Ուրեմն մենք կերթանք չորս օրեց յետոյ:

— Եւ եթէ եղանակը բարեյաջող կլինի, ասաց Դը-Մօնսը, քսան օրեց յետոյ մենք Պելլպոնէսում կլինինք:

— Բայց եթէ եղանակը անյաջող կլինի, նկատեց Նօն-նը, որ սիրում էր միշտ հակաճառել Դը-Մօնսին, — իսկ ձմերային ժամանակի պատճառով պէտք է ենթադրել պոգ,
— մենք կհասնենք միայն երեք ամսից յետոյ:

— Ո՛հ, գոչեց Ռօբէրը, ես չեմ կամենում ենթարկել իմ անձս այդպիսի վտանգին և ամենևին տրամադրութիւն չունիմ մաքառել ալիքների հետ ամբողջ ձմռան: Ո՞րքան ժամանակ է հարկաւոր ցամաքով Պելլպոնէս հասնելու համար:

— Տասնէհինգ օր մինչև Վենետիկ, իսկ այնտեղից այ-նուամենայնիւ կհարկաւորի գնալ ծովով, պատասխանեց Դը-Մօնսը:

— Ո՛ր ծովով, ասաց Նօննը: Ի՞նչ է Ադրիատիք ծովը — մեծ նաւահանգիստ: Ձմռանը այնտեղ փչում է միշտ հիւսի-սային հողմը: Վենետիկից մինչև Մօրէ կարելի է հասնել մի երկու շաբաթում:

— Իսկ ցամաքային ճանապարհը վտանգաւոր չէ, հար-ցրեց ապագայ իշխանը:

— Սովոյայում մենք պէտք է անցնենք Ալպեան լեռնե-րի վրայով, ասաց Դը Մօնսը:

— Ալպերի վրայով: Բայց ի՞նչ են Ալպերը, գոչեց Նօննը, — լեռներ, որպէս և ուրիշ լեռները: Իսկապէս, միշտ բարձրանում ես սարը. Ալպերը անմատչելի չեն և լաւ ճա-նապարհներ ունին: Գուցէ նոցա վերայ կլինի ոչ սակաւ ձիւն, բայց դա ինչ արգելք է: Մենք ունինք զինուորներ, նորա կմաքրեն ճանապարհը:

— Ես էլ այդպէս եմ կարծում, ասաց Ռօբէրը:

— Եթէ դուք էլ միևնոյն կարծիքի էք, ես ոչինչ չեմ կարող ասել դորա դէմ, ասաց Դը Մօնսը: Մանաւանդ որ ճանապարհը Վենետիկի վրայով ներկայացնում է նաև եր-կու մեծ յարմարութիւն: Առաջին՝ դուք բարեկամակա՛ն յա-րաբերութիւններ կկապէք Դոմի հետ, որ և ձեզ հարկա-ւոր է, երբ կսկսէք վարել իշխանութիւնը: Երկրորդ՝ Վե-

նետկում կարելի է գտնել լաւ նաւեր, որոնք արագութեամբ կհասցնեն Պելոպոնէս:

— Ուրեմն, վիճակը ձգած է, գոչեց Ռօբէրը: Չորս օրից յետոյ մենք գնում ենք ցամաքով: Ուստի պատրաստ կացէք ճանապարհ ընկնելու համար:

— Ես բոլորովին պատրաստ եմ, ասաց Մատիօն, իսկ զինուորները պատրաստ կլինին երեք օրից յետոյ:

— Գնալով Դը-Մօնսը մտածեց.

— Քսան և ութը օր յափշտակուած է և չորս օր էլ գրպանում կայ. մնում է հարկւրուերեսուն: Բայց ինչ որ դոցա է վերաբերում...: Ի՛հ, Աստուած ողորմած է:

8

ՌՕԲԷՐ ԴԸ-ՇԱՄՊԼԻՏԻ ՃԱՆԱՊԱՐՀՈՐԴՈՒԹԻՒՆԸ:

Ճանապարհ ընկնելը կատարուեցաւ յիսուսի նշանակած օրը, — նոյեմբերի երեքին:

Մի անգամ ճանապարհ ընկնելով, Ռօբէրը սաստիկ շտապում էր. նա շատ վայրանում էր հանդիպելով ուշանալու դէպքերին, որ պատահում էին Դը-Մօնսի ձեռքով պատրաստած թիկնապահ զօրքի պատճառով: Մին հետեակ զինուորները, ձանձրացած ճանապարհից, յետ էին մնում. մին՝ ձիերը կորցնում էին իւրեանց պայտերը (նալերը). շատ անգամ հարկաւորում էր նորոգել մինչև անգամ ձիու ամբողջ սարքը: Բայց այնուամենայնիւ Դը-Մօնսը կարողանում էր շուտով կարգի բերել այդ բոլորը, այնպէս, որ հանան Սալօեա, Ալպերի մօտ, ութ օրից յետոյ:

Այդտեղ որոշած էր հանգստանալ մի օր, և այդ կարճատե հանգստութեան ժամանակ մտադրութիւն կար ժողովել հարկաւոր տեղեկութիւններ սարերի վրայով անցնելու մասին:

Բայց ժողոված տեղեկութիւնները շատ միեմարական չէին: Ճանապարհները անանցանելի էին, չորս կանգուն ձիւնով ծածկած:

— Այդ բոլորը չափազանցութիւններ են, գոչեց Դը-Մօնսը: Հեռուից ամեն բան խոշոր է երևում. բանի խոր է

ձիւնը, այնքան պինդ է, չո չենք կարող սպասել մինչև յուլիս ամիսը երբ կհալուի ձիւնը: Ես հաւատացած եմ, որ մենք կարող ենք անցնել: Ո՞վ է մեզ արգելում փորձել: Եւ վերջապէս մեզ ուրիշ ծար էլ չէ մնում:

Այդ բաջալերող խօսքերը ատորժելի էին Ռօմէրին, որովհետեւ բոլորովին համաձայն էին նորա սեփական մըտքերին: Ուստի հետեւեալ օրը նորա սկսեցին բարձրանալ սարը: Բայց կէս ժամից յետոյ նորա արդէն ստիպուած էին կանգ առնել. երեք առաջնորդող ձիաւորների ձիերը թաղուեցան ձիւնի մէջ: Չորս ժամ հարկաւորեցաւ մինչև որ հանեցին նոցա և ազատեցին անխուսափելի մահից:

Ճանապարհորդները շուտով համոզուեցան, որ անհնարին էր անգամ մի բայլ առաջ գնալ այդ ճանապարհով: Նոցա առաջև ձիւնը դիզուած էր բարձր բլուրներով, իսկ նոցա գլխի վերայ բարձր լեռները հասնում էին մինչև ամպերը ինչպէս բերեղի բուրգեր: Ստիպուեցան ամբողջ օրը մնալ մի տեղում և յետոյ վերադառնալ երեկուան իջևանը: Միւս օրը նոր փորձերը ցոյց տուին, որ ուրիշ ճանապարհներն աւելի անանցանելի էին, և բացի դորանից՝ աւելի վրտանգաւոր, որովհետեւ անցնում էին ձորերով, որոց փերը, ձիւնով ծածկուած լինելով խառնւում էին ճանապարհի հետ:

Գարձեալ մի օր կորաւ:

Երեկոյին խորհուրդ կազմեցին, և դը-Մօնսը առաջարկեց քերել ձիւնը: Բայց զինուորների նիզակները բաւական չեղան այդ գործի համար. հարկաւոր էին թիեր: Հետեւեալ օրը անցաւ թիեր պառելու մէջ մերձակայ գիւղերում: Գործը շարունակուում էր երկու օր և միայն երկրորդ օրը երեկոյան ամենավտանգաւոր տեղերը փոքր ինչ յարմարութիւն ստացան անցնելու համար: Վճռեցին՝ առաջ գնալ հետեւեալ օրը:

Տարաբախտաբար, գիշերը ձիւն եկաւ և այն տեղերում, ուր չորս կանգուն ձիւն կար, այժմ վեց կանգուն էր:

Ճանապարհորդների յուսահատութիւնը աննկարագրելի էր: Ամբողջ հետեւեալ օրը անցաւ խորհրդակցութեանց մէջ. ընդունում էին և մերժում մին միւսի յետևից միմեանց ամենահակառակ կարծիքները:

—Ա՛խ, երանի ինձ լսէիք, ասում էր դը-Մօնսը, աչքերը երկինք բարձրացնելով: Եթէ ձերդ բարձրութիւնը ընտրէր ծովային ճանապարհը, այժմ, գուցէ, մենք արդէն Պելրպոնէսում լինէինք:

Ռօբէրը ճեմում էր իւր վրանի մէջ արագ քայլերով: Վերջապէս նա կանգնեցաւ դը-Մօնսի առջև:

—Ծովային ճանապարհը, գոչեց նա: Այո, իզուր չըգնացինք ծովով: Այնտեղ գոնէ չես հանգիպի այնպիսի յանդուգն սարերին, որ հպարտ բարձրանում են առջևդ, ծաղրում են ջանքերդ և ստիպում ամբողջ ամիսներով կանգնած մնալ իւրեանց առջև, ձեռքերը կցած, անդործ: Փոխանակ մնալու այստեղ մինչև ի կատարած աշխարհի, ես առաջարկում եմ, լաւ է վերտդառնալ և գնալ ծովով: Դուք ի՞նչ կասէք, պարոններ:

Ոչ որ չհամաձայնուեց այդ կարծիքի հետ: Բայց երբ առաջարկուեցաւ ամեն մէկին յայտնել մի ուրիշ կարծիք, ամենքը լուռ մնացին:

—Ուրեմն, վաղն իսկ մենք կվերադառնանք, ասաց Ռօբէրը, և կհասնենք աւելի մօտիկ նաւահանգստին: Երբ մարդս գնում է, գոնէ յոյս կայ տեղ հասնելու. իսկ երբ կանգնած ես մի տեղում՝ այդ յոյսն էլ կորչում է:

Բայց միւս օրը եղանակը հիանալի էր, երկինքը պարզ, արեգակը բաւական տաքացնում էր, քամին փչում էր հարաւից և ձիւնը հալել էր սկսում: Փոքրիկ բանակը ոգեւորուեցաւ. էլի մի այդպիսի օր—և կարելի կլինէր առաջ գնալ:

Եւ յիրաւի լաւ եղանակը շարունակվում էր, և երրորդ օրը նորից սկսեցին սարը բարձրանալ: Ձիւնն աւելի կակուղ էր և շատ տեղերում հալում էր, կազմելով վրտակներ և հեղեղներ:

Կէսօրից յետոյ, երբ փոքր կարաւանը գնում էր սարի վերայ, բարձր տեղում, յանկարծ լսուեցաւ գլխի վերայ կարծես ասպի երկարատե գոռոց: Կարծես թէ ամբողջ սարը դողաց, և շուտով ձիւնի ահագին հոսանքը, սարսափելի աղմուկով և ճայթմունքով, իջաւ և ծածկեց բոլոր ճանապարհը, որը անցել էին մեր ճանապարհորդները: Եթէ

տասը ընկնէր այդ հոսանքը, Ռօբերը և իւր ուղեկիցները թաղուած կ'մնային ձիւնի տակ:

Սարսափած, ճանապարհորդները շտապեցին քայլերը, լուռ. նոցա աչքերը անգիտակցաբար ուղղուած էին նոցա գլխին բարձրացող սպիտակ գագաթների վերայ, նոքա կարծում էին, որ այդ գագաթները ահա իսկոյն փուլ կգան իւրեանց վերայ:

Երեկոյեան դէմ նոքա հասան մի փոքր հովիտ, ուր կանգնած էին, գրեթէ բոլորովին ձիւնի մէջ թաղուած, Ալպեան հովիւների երեք չորս խրճիթը: Այդտեղ ճանապարհորդները գիշերեցին, մտադիր լինելով շարունակել ճանապարհը միւս օրը արեգակի ծագելուց առաջ: Բայց հովիւները հաւատացնում էին, որ այդ մտադրութիւնը անիրագործելի է, որովհետեւ ձիւնի ընկած հոսանքները բոլորովին խափանել են բոլոր ճանապարհները:

—Առ հասարակ, ասաց լեռնականներից մէկը, այստեղի ճանապարհը շատ դժուար է ամբողջ ձմեռը: Երբ ձիւն է գալիս, ճանապարհները անանցանելի են դառնում. իսկ երբ եղանակը տաքանում է, սարերից ընկնում են ձիւնի ահագին կոյտեր, որ կարող են թաղել իւրեանց տակ հազարաւոր մարդիկ: Մենք ինքներս փակւում ենք այս խրճիթների մէջ մի քանի ամսի պաշարով և շատ քիչ ենք դուրս գալի տանից մինչև ծիծեռնակների գալը:

—Բայց ե՞րբ են գալի ծիծեռնակները:

—Մարտին:

Ամենքը սարսափեցին:

—Յուսահատութիւն, գոչեց դը-Մօնսը: Ամբողջ երեք ամիս մնալ այս նզոված տեղում: Ա՛խ, երանի՜ ինձ լսէիք: Եթէ մենք գնայինք ծովո՛վ:

—Երեք ամիս. ես չեմ մնայ այստեղ մինչև անգամ երեք օր, ասաց Ռօբերը:

—Եթէ հնարք լինէր, մենք այստեղ երեք ժամ անգամ չէինք մնայ, ասաց դը-Մօնսը: Եւ յիրաւի, որ այս ձմերային թագաւորութեան մէջ շատ ուրախ չէ կեանքը: Բայց ամենից առաջ հարկաւոր է հոգալ, որ ձերդ բարձրութիւնը չենթարկուի որևիցէ վտանգի, եթէ մենք ստիպուած լինէինք մնալ Ալպերի ձիւնի տակ մինչև անգամ ամ-

բողջ կէս տարի: Առ ժամանակ մենք բաւական պաշար ունինք, բայց ինձ թւում է որ՝ ձերդ բարձրութեան պէտք չէ անզգոյշ լինել: Մօրէի ամենագլխաւոր ցանկութիւնն է, իհարկէ, որ դուք հասնէք այնտեղ ողջ և անվնաս:

Ռօբէրը գոչում էր և մռնչում յուսահատութիւնից. Նօննը հառաչում էր. բայց ոչ գոռում գոչումը, ոչ հառաչանքը չէին կարող դէպի լաւը փոխել նոցա ողբալի դժբութիւնը:

Երեք օր նստած էին նոքա ինչպէս պաշարեալներ: Զորորդ օրը, Նօնի ստիպմամբ շարունակեցին ճանապարհը: Նօննը, կարծես թէ, միայն մի նպատակ ունէր — հասնել տեղը, իսկ արգելքների և վտանգների մասին չէր մտածում անգամ:

Հովիւներից ամենավստահները յանձնառու եղան առաջնորդել նոցա: Ամեն քայլի վերայ առաջ էին գալիս նոր վտանգներ, դժուարութիւններ, և արգելքներ: Շատ անգամ ստիպուած էին լինում բահերով մաքրել ճանապարհը. երբեմն երբեմն լսում էին ամպի գոռոցի նման ձայներ — ձիւնի հոսանքներ էին թափւում մերձակայ ձորերի մէջ: Պատահում էր նոյնպէս մեր ճանապարհորդներին ամբողջ օրեր անցնել լեռնային խրճիթների մէջ, կամ վրաններ բանալ խոր, ձորերում:

Շամպլիտի ուղեկիցները բաժանւում էին երկու կուսակցութեան. մէկը աւելի գերադաս էր համարում ճանապարհորդութեան պահպանութիւնը բան թէ արագութիւնը. այդ կուսակցութեան հետ միացաւ դը-Մօնսը. և գուցէ նա իսկ էր գորա շարժողը: Միւս կուսակցութիւնը գերադաս էր համարում արագութիւնը և չէր կամենում ուշադրութիւն դարձնել վտանգների վերայ. այդ երկրորդ կուսակցութեան պարագլուխն էր Նօննը: Ռօբէրը փոփոխաբար հակում էր մերթ մին, մերթ միւս կուսակցութեան կողմը և հաւասարակշռութիւն էր պահում նոցա մէջ:

Աերջապէս, տասնօրեայ ձանձրալի ճանապարհորդութիւնից յետոյ նոքա հասան սարի գագաթը, որտեղից կարելի էր տեսնել հովիտների զմայլելի տեսարանը, ուր նուազող ձմեռն արդէն բացում էր իւր գիրկը գաթնան համար, ուր բամին աւելի տաք էր, և նորաբողբոջ բուսականու-

Թիւնը վիճում էր անհետացող ձիւնի հետ: Ճանապարհորդները ուրախ և ոգևորուած իջնում էին Ալպեան սարերից: Ուրախութիւնը և անհամբերութիւնը սիրտ էին բաբախեցնում: Այդ օրը թւում էր փրկութեան օր:

Միայն դը-Մօնսը ինչ որ համարում էր մատներով և բրթնջում էր բթի տակ.

— Այս նոնը կարծես թէ դիւահար է: Եթէ սա չլինէր, մենք մինչև այսօր նստած կլինէինք գեղեցիկ ալպեան հովիտում, անմեղ հովիւների հիւրասէր յարկի տակ, սպասելով ծիծեռների առաջին ճովողելուն: Ալպերի վերայ էի հիմնում ես իմ լաւագոյն յոյսերս, բայց Ալպերը ահա մնացին մեր ետեկից: Դեռ ևս հարկւր օր կայ: Հարկւր օր, այսինքն՝ երեք ամիս և տասը օր: — Դէ, սիրելի Վիլլարդուին, ես շատ վախենում եմ...

Եւ դը-Մօնսը մտածմունքի մէջ ընկաւ: Այդ միջոցին նորա մօտից անցնում էր Ռօբէրը:

— Ձերդ բարձրութիւն, ասաց դը-Մօնսը, այժմ կարելի է ասել, որ մենք արդէն Վենետիկումն ենք. ոչ մի բան չէ կարող մեզ արգիլել հասնել այնտեղ մի շաբաթից յետոյ: Ուստի հարկաւոր է մարդ ուղարկել առաջուց Վենետիկի հասարակապետութեան ղգուշութեամբ տեղեկութիւն տալու համար մեր գնալու մասին: Ապա թէ ոչ՝ կարող են և ծուռը մեկնութիւն տալ այսբան ղինուորներով գնալուն:

— Ուղիղ ես ասում, ասաց Ռօբէրը, այդ անպատճառ հարկաւոր է: Բայց ո՞ւմ ուղարկել... քեզ, Մատիօ, — Վենետիկը քեզ լաւ ծանօթ է: Յանկանում ես արդեօք յանձն առնել այս յանձնարարութիւնը:

— Ես միշտ պատրաստ եմ ծառայել ձերդ բարձրութեան, պատասխանեց դը-Մօնսը, և չսպասելով նոր կարգադրութիւններին, նա մտրակեց իւր ձին և վաղեց առաջ:

Մի շաբաթից յետոյ Պելուպոնէսի ապագայ իշխանը իւր ուղեկիցներով հասաւ Վենետիկ:

Երեք մղոն քաղաքից դուրս ընդ առաջ եկաւ նորան հրաւիրակ դեսպանը դը-Մօնսի հետ միասին: Դեսպանը յանձնեց Ռօբէրին Դօժի նամակը, շնորհաւորեց յաջողութեամբ ժամանելը և հրաւիրեց մոտք գործել քաղաք:

Մի երկու ժամից յետոյ ճանապարհորդներին դիմաւորեց

մի գունդ հեծելազօրք: Գնդապետը իջաւ ձիուց, յարգանքով ողջունեց Ռօբէրին, յայտնեց, որ ինքը Վենետիկ քաղաքապետն է և հրաման է ստացել Դոժից ընդունել քաղաքի մէջ նորին բարձրութիւնը:

Ռօբէրը յայտնեց իւր շնորհակալութիւնը Դոժին այդպիսի ուշադրութեան և հիւրասիրութեան համար, խնդրեց քաղաքապետից ձի նստել և շարունակեցին ճանապարհը: Քաղաքապետը հրաւիրեց Ռօբէրին իւր գիւղը համեստ ճաշի, և նա ընդունեց հրաւերը:

Նոքա մօտեցան մի մեծաշուք պալատին, ընդարձակ և հոյակապ պարտէզով: Բազմաթիւ երևելի ասպետները ըսպասոււմ էին այնտեղ ֆրանսիական իշխանին: Ընդունելութեան և ծանօթողական ներկայացման հանդէսը շարունակուեցաւ երկու երեք ժամ: Յետոյ իշխանին տարան առանձին սենեակ հանգստանալու:

Յետոյ նստեցան ճաշի, որ շատ փառաւոր էր ինքնըստ ինքեան և աւելի ևս ճանապարհորդների համար, որ այնքան ժամանակ թափառում էին Ալպեան լեռների ձիւնի մէջ: Ճաշը տւեց մինչև երեկոյ. և երբ մթնեց, հիանալի ճրագալոյցը լուսաւորեց քաղաքապետի տունը և պարտէզը: Կէս գիշերին հիւրերը ցրուեցան և քաղաքապետը ներկայացաւ Ռօբէրին նորին բարձրութեան պատուէրները ստանալու համար հետևեալ աւուր մասին: Ռօբէրը սրտագին շնորհակալութիւն մատոյց նորան և յայտնեց, որ ցանկանում է հետևեալ իսկ առաւօտը մտնել Վենետիկ և առանց յետաձգութեան գնալ Պելոպոնէս: Քաղաքապետը յարգանքով գլուխ տուեց և դուրս գնաց:

Հետևեալ օրը, Ռօբէրը շորերը հագնելուց յետոյ իսկոյն պահանջեց մի նաւակ նեղուցը անցնելու համար: Քաղաքապետը ներկայացաւ և յայտնեց, որ նաւը պատրաստ է և իշխանը կարող է նաւ մտնել մի թեթև նախաճաշ վայելելուց յետոյ: Այդ առաջարկութիւնը այնպէս քաղաքավարի էր և այնպէս յարմար, որ Ռօբէրը ընդունեց յօժարութեամբ:

Համեստ նախաճաշը կազմած էր տարուայ եղանակի ամենահազուագիւտ նիւթերից. մանաւանդ առատութեամբ հոսում էր հիանալի կիպրոս գինին: Նախաճաշը քաշեց մին-

չև կէսօրը: Նախաճաշի վերջում քաղաքապետին մատուցին Դօժի նամակը, որ և իսկոյն ներկայացրեց Ռօբէրին:

Դօժը գրում էր թէ՛ կամենալով ընդունել իշխանին բոլոր արժանավայել պատուով, խնդրում է նորանից սպասել նաւերին, որ նա կուղարկէ հետևեալ առաւօտը, և այդ միջոցին կտեսնէ ամեն հարկաւոր պատրաստութիւնները բարձրապատիւ հիւրին ընդունելու համար:

Ռօբէրը ապշած էր ուրախութիւնից. նա կարծես լի է աւելի բարձրացաւ մի բանի թիւ, և պատասխանեց թէ՛ երբ կհասնի իւր իշխանութեան երկիրը, չի մոռանայ իւր եղբայր Դօժի ցուցած ընդունելութիւնը և պատիւը, եթէ նոցա բոլոր ապագայ յարաբերութիւնները կունենան ներկայ բախտաւոր սկզբնաւորութեան համապատասխանող ընթացք:

Հետևեալ օրը շատ վատ էր եղանակը, և Դօժը յատուկ դեսպանով յայտնեց, որ չէ կամենում վտանգի ենթարկել իւր սիրելի եղբօր անձը և թէ բացի դորանից՝ այդպիսի եղանակին անկարելի է կատարել այն փառաւոր ընդունելութիւնը, որով ցանկանում է ինքը ընդունել իշխանին:

Հարկ եղաւ մնալ և այդ օրը: Նոննը կրծում էր իւր եղունգները. բայց Ռօբէրը մտքով անգամ չէր կարող անցկացնել հրաժարուիլ առաջարկուած պատիւներից մի որևէիցէ երկու երեք օր կորցնելու պատճառով: Միթէ արժէ՞ր այդպիսի չնչին բանի համար խանգարել թագաւորների մէջ ընդունուած քաղաքավարութիւնը, որոց շարքում հազիւ նոր էր բռնել իւր տեղը:

Վատ եղանակը շարունակւում էր երեք օր: Դօժը անդադար հրամաններ էր ուղարկում քաղաքապետին ցոյց տալ իշխանին ամեն տեսակ պատիւներ, մինչև որ կարելի կլինի ուղարկել նաւերը նորին բարձրութեան համար:

Չորրորդ օրը առաւօտը տասը գեղեցիկ նաւեր, դրօշակներով և ոսկեփունջ վարագոյրներով զարդարած, սուրբ Մարկոսի դրոշակը ծածանած, սպասում էին Ռօբէրին քաղաքապետի տան առջև: Ինքն քաղաքապետը ներս տարաւ Ռօբէրին սպիտակ ոսկեզօծ և ծիրանազարդ նաւը և նստացրեց իւր կողքին ոսկեճամուկ բարձրի վրայ: Միւս նաւերի

մէջ տեղաւորուեցան իշխանի ուղեկիցները, իսկ մէկ նաւ սահում էր ամենից առաջ փողահարներով և երաժիշտներով, ճանապարհ ընկան կազմ կարգով և հանդէսով, և թիերը ծփալով սահեցնում էին նաւերը Վենետիկի ծովածոցի հանդարտ և վճիտ մակերևութի վերայ:

Երբ նաւերը հասան ափին սուրբ Մարկոսի հրապարակի մօտ, բոլոր նաւերը և նաւակները իսկոյն զարդարուեցան գոշգոյն դրօշակներով, և բոլոր եկեղեցիներն հնչեցրին օդը ուրախութեան զանգակահարութեամբ:

9.

ՎԵՆԵՏԿԻ ԴՕԺԸ ԸՆԴՈՒՆՈՒՄ Է ՌՕՔԷՐԻՆ

Ռօքէրին տարան ուղղակի Դօժի պալատը: Դօժը դիմաւորեց նորան լալն, մարմարաշէն սանդուղքի գլխին և մտնելով Ռօքէրի թւի տակ տարաւ նորան ընդունելութեան դահլիճը: Այնտեղ սպասում էին նոցա Վենետիկի բոլոր երեւելի անձինքը: Դօժի և Պելլագոնէսի ապագայ իշխանի մշտնելու ժամանակ ամենքը յարգանքով ոտի կանգնեցան: Դօժը նստացրեց իշխանին իւր մօտ աջ կողմից և վարում էր նորա հետ իբրեւ իւրեան հաւասարապատիւ մարդու հետ: Այդ հանդիսաւոր տեսակցութիւնից յետոյ Ռօքէրին տարան մի հոյակապ պալատ, ուր պատրաստուած էր նորա համար բնակարան. այնտեղ նորան սպասում էր համադամ ճաշ:

Ամբողջ հետևեալ օրը Ռօքէրը ստիպուած էր ընդունել այցելութիւններ, և դը-Մօնսը հաւատացրեց նորան, որ տեղական քաղաքավարութիւնը պահանջում է կատարել փոխադարձ այցելութիւններ:

Ընթրիքից յետոյ նոննը ասաց, որ ժամանակ է մտածել և գնալու մասին. բայց որովհետև արդէն ուշ էր, որոշեցին խօսել այդ հարցի մասին հետևեալ օրը և տալ որ և իցէ վերջնական վճիռ:

Սակայն հետևեալ առաւօտը Ռօքէրին պաշտօնական կերպով յայտնեցին, որ Դօժը պիտի այցելութիւն անէ նորան: Պէտք էր աշխատել արժանաւոր կերպով ընդունել

Դոժին և ակամայ կամօք հարկ եղաւ յետաձգել գնալը։ Դոժը եկաւ ճաշից յետոյ, մնաց Ռօբէրի մօտ երկու ժամի չափ, խօսում էր նորա հետ նորա հօրեղւոր—Վիլհելմ դը-Շամպլիտի մասին, Շամպանիայի, ֆրանսիական թագաւոր Փիլիպպոս Օգոստոսի, Պելլպոնէսի մասին, և գնալու ժամանակ հրաւիրեց նորան իւր մօտ ճաշի հետեւեալ օրը։

Երեկոյին Նոննը դարձեալ խօսք բացեց երեկուան առաջարկութեան մասին։

—Տարաբախտաբար, պատասխանեց Ռօբէրը, մենք չենք կարող ճանապարհ ելնել վաղը, որովհետեւ մենք պէտք է ճաշենք Դոժի մօտ։

—Աստուած տա՛յ, որ այդ հրաւերքները չպահեն ձեզ Վենետիկում ամբողջ ձմեռը։

—Բայց ո՞րպիսի բարեձեւ պատճառով կարող ենք մերժել Դոժի հրաւերքը, պատասխանեց Ռօբէրը։ Սակայն այդ ճաշից յետոյ ոչ մի բան մեզ արգելք չի լինի ճանապարհ ընկնելու։ Զէ՞ որ մենք առաջներս ունինք դեռ ևս ամբողջ երեք ամիս, իսկ այստեղ մենք գրեթէ Մօրէի գրան առաջն ենք։

Հետեւեալ աւուր ճաշը ի պատիւ Ռօբէրի շատ փառաւոր էր։ Ծննդեան պատի պատճառով թէպէտ միս չկար, բայց Միջերկրական ծովի ամենահազուագիւտ ձկները և ծովային ուտելու կենդանիները շարժեցին ամենքի զարմանքը։ Ամեն տեսակ պտուղները և գինիքը—այն ժամանակ յայտնի աշխարհքի երեք մասի արտագրութիւնները—երևում էին սեղանի վերայ։

Ռօբէրը բազմեցրած էր ամենապատուաւոր տեղում իւր մեծափառ ասպնջականի կողքին. բոլոր պատիւները, բոլոր ուշադրութիւնը յատկապէս նորան էին նուիրուած։

Ճաշի ժամանակ Դոժը ներողութիւն խնդրեց Ռօբէրից այդպիսի համեստ սեղանի համար, ասելով թէ պատի պատճառով անկարելի էր առաջարկել նորան աւելի լաւը և իսկոյն յայտնեց, որ մօտակայ ծննդեան տօնին նա կաշխատէ պատրաստել աւելի փառաւոր խնջոյք, վասնորոյ այժմէն իսկ հրաւիրեց նորան։

—Ես հազիւ թէ կարողանամ մնալ մինչև այդ ժամանակ, անորոշաբար ասաց իշխանը։

— Ի՞նչպէս, բացականչեց Դոժը, մինչև Ծննունդը մը-
նում է ընդամենը միայն չորս օր, և դուք չէք կամենում
նուիրել մեզ դոցա: Մի՞թէ դուք կերթաք մեր մօտից այս
չնչին ձկների համը բերանում և այդպիսի թերի գաղա-
փարով մեր հիւրասիրութեան մասին: Ո՛չ, Աստուած չանէ
այդ: Ես արդէն գրեցի սրբազան պատրիարզին, որ այժմ
բացակայ է, և խնդրեցի, որ գայ Ծննդեան տօնին Վենե-
տիկ և պատարագ մատուցանէ մեզ մօտ: Կյուսամ, որ դուք
չէք զրկի մեզ այդ պատուից:

Ռօբէրը նայեց առաջ նօնի վերայ. նա աչքերը ցցեց
իւր ամանի վերայ և կարմրեցաւ ինչպէս եփած խեցգե-
տին, որը նա ուտում էր այդ րոպէին: Յետոյ Ռօբէրը նա-
յեց դը-Մօնսի վերայ և հանդիպելով նորա նայուածքին՝ նա
հասկացաւ այդ նայուածքի միտքը, և թեթեւ կերպով գը-
լուելը շարժելով իբրև համաձայնութեան նշան՝ ասաց Դո-
ժին թէ շնորհակալութեամբ ընդունում է նորա առաջար-
կութիւնը:

Երեկոյին Ռօբէրը փոքր ինչ անվստահութեամբ մօտե-
ցաւ նօնին:

— Անհնարին էր ինձ հրաժարուել հրաւերքից, ասաց
նա. պատրիարքը հրաւիրուած է յատկապէս ի պատիւ իմ...
Այդպէս չէ՞, իմ սիրելի նօնն:

Նօնը փնջում էր ձիու պէս և մոմուում քթի տակ:

— Բոլորովին ուղիղ է... ո՛հ, ի հարկէ: Յետոյ, ի՞նչ-
պէս Դոժի հետ չհանդիպել և նոր տարուհ. իսկ այնու-
հետեւ հեռու չէ և Զատիկը: Ուրեմն մենք և Զատիկին
Վենետիկում կլինինք, իսկ յետոյ ճանապարհ կընկնենք ան-
պատճառ Համբարձումին: Խորհուրդ եմ տալի ձեզ իշխան,
սպասել մինչև Համբարձումը:

— Դէ, դու արդէն բարկանում ես:

— Ամենեին: Ես միայն ասում եմ, որ ձերդ բարձրու-
թիւնը կարող է մնալ այստեղ մինչև որ կտեսնէ թէ ինչ-
պէս երևելի Դոժ Պիէտրօ Յիանին կկատարէ իւր նշանա-
դրութեան հանդէսը իւր երևելի հարսնացուի— Ադրիատիք
ծովի հետ: Սպասենք մինչև Համբարձումը. չէ՞ որ այդ օրը
պապը յանձնեց նշանադրութեան մատանին այժմեան Դոժի
պապին— Դոժ-Սեբաստիանին:

— Միամիտ կացիր, իմ սիրելի Նոնն, ես մի օր անգամ աւելի չեմ մնայ այստեղ Ծննդից յետոյ: Խօսք եմ տալի բեզ, որ հետեւեալ օրը մենք անպատճառ ճանապարհ կեննք այստեղից:

Զորս օր անցան Ռօբէրի և նրա ուղեկիցների համար, մինչև անգամ մոտայոտ Նոննի համար, ինչպէս չորս վայրկեան, որովհետև Վենետիկ բարձր դասակարգը ամեն կերպով աշխատում էր պատուել և զուարճացնել նոցա ամեն տեսակ ուրախութիւններով և փառաւոր ծաշերով ու ընթերթներով:

Իսկ Ծննդեան տօները կարող էին յափշտակել Ռօբէրից աւելի ծանրաբարոյ մարդուն: Սուրբ Մարկոսի հոյակապ տաճարում, Վենետիկ բոլոր ժողովրդի ներկայութեամբ, Դօժը նստացրեց դը-Շամպլիտին իւր կողքին գահի վերայ, պատրիարքը օրհնեց նորան և իւր ձեռքով մասնատրեց սուրբ հաղորդութիւնը, և ամենքի հայեացքը ուղղուած էր յառկապէս Ռօբէրի վերայ: Բոլոր հանդէսների ժամանակ Ռօբէրը միշտ նստած էր լինում Դօժի հետ միասին, որ և ծանօթացնում էր նորան ամենքի հետ ոչ իբրև իսկական իշխան, որովհետև նա դեռ ևս մուտք չէր գործել իւր իշխանութեան մէջ, այլ իբրև Պեղոպոնէսի ազնիւ նուաճողի քաջ եղբորորդի:

Ծաշը բոլորովին համապատասխան էր Դօժի խոստմունքին, մինչև անգամ աւելի գերազանց էր: Ծաշից յետոյ սկսուեցաւ պարահանդէսը, որ և տեւեց ամբողջ գիշերը, այդ պարահանդէսի յափշտակող տպաւորութիւնը նոյնչափ վտանգաւոր էր Ռօբէրի սրտի համար, որչափ և պատիւները նորա գլխի համար: Նորա կեանքի մէջ այդ առաջին անգամն էր, որ այնքան հրաշալի սեւորակ աչեր նայում էին նորա վերայ և արձակում էին հարաւային արևի շողերը: Մեր ասպետը բոլորովին թուլացած ընկաւ իւր անկողնի վերայ, երբ արդէն բոլորովին լուսացել էր: Նա քնեց միայն մի քանի ժամ և տեսնում էր երազում պարեր, գեղեցիկ կանայք, հրաշալի աչեր և անգին գոհարներ:

Երբ Ռօբէրը զարթեց, Դօժը ուղարկեց նորան իւր նաւը և նոքա երկուսը երեկուան պարահանդէսի ամենաշքեղ տիկնանց հետ զբօսնելով անցան ծովային թագուհու գլխաւոր ջրանցքները:

Հետեւեալ օրը պատրաստուած էին դարձեալ նոր հանգէսներ և ուրախութիւններ:

Բայց մի անգամ Ռօբէրին յաջողեցաւ խոյս տալ և գնաց առաւօտը Նոննի և Մատիօ դը-Մօնսի հետ նաւահանգիստը, ուր կանգնած էին սովորաբար նաւերը: Բայց նոցա ջանքը վարձել մի որեւիցէ նաւ՝ անցաւ իզուր: Նաւահանգստում չկար ոչ մի նաւ, որ պատրաստուած լինէր ճանապարհորդութեան համար: Նաւահանգստի վերակացուն յայտնեց, որ տօների պատճառով երբեք ոչ մի նաւ չէ դուրս գնում Վենետիկից մինչև նոր տարին և անկարելի է գտնել մի նաւապետ, որ համաձայնուէր ճանապարհ երնել, որովհետև ամենքը սովորաբար անց են կացնում տօները, իւրեանց ընտանիքի մէջ:

Այդ լուրը տրտմեցրեց մեր ճանապարհորդներին: Ամենից առաջ մխիթարուեցաւ Մատիօ դը-Մօնսը, նա նկատեց, որ այնուամենայնիւ կայ դեռ ևս երեք ամիս ժամանակ, իսկ յաջողակ բամբուլ ութ օրում կարելի է հասնել Պելուպոնէս: Նոր տարուց յետոյ հեշտ կլինի գտնել մի նաւ, իսկ մինչև այն ժամանակ, փառք Աստուծոյ, չեն մեռնի քաղցածութիւնից և ծարաւից, և չեն մնայ ձիւնի մէջ Ալպեան սարերում:

Ահամայ կամօք պէտք է մնային ճանապարհորդները մինչև 1210 թուականի նոր տարին և հանդիսատես լինէին Վենետիկեան տօներին և հանգէսներին: Իսկ երբ հասաւ նոր տարին, նոքա տարակուսած էին և չգիտէին ի՞նչ բանին աւելի զարմանան—այդ տօնի ուրախութեան և ոգեւորութեան, թէ շքեղութեան և փառաւորութեան:

Վերջապէս նոքա վճռեցին գտնել անպատճառ մի նաւ յունուարի 2-ին: Բայց այդ օրը դեռ արշալոյսը չբացուած, եկաւ Դօժի հրաւիրակը և տարաւ Ռօբէրին իւր բոլոր պաշտականներով Ռիալտօ կոչուած կամուրջի մօտ, որտեղից նոքա պիտի նայէին հաղարաւոր նաւակների սրընթացութեան մրցութեան հանդիսին: Այդ հանգէսը պատրաստուած էր ի պատիւ բարձր հիւրի:

Հանդէսը արդարև հիանալի էր: Թիափարների ճարպիկութիւնը և նաւակների սրընթացութիւնը և թեթևութիւնը ընդհանուր զարմանք էին շարժում. նաւակները

այնպէս էին վազում, որ կարելի էր ծովային թռչուն համարել նոցա: Հանդիսատեսները ծափահարում էին ուրախութեան գոչումներով. մանաւանդ անսահման էր դը-Մոնսի ոգևորութիւնը, որը անցաւ մինչև անգամ պաղսիրտ Նոննին: Հանդէսը շարունակուեցաւ մինչև երեկոյ, իսկ յետոյ Դոժը ճաշի հրաւիրեց իւր մօտ բոլոր երևելի հանդիսականներին:

Հետևեալ օրը պէտք է կատարուէր մրցանակաբաշխութիւնը երեկուան յաղթողներին: Դոժը յանձնեց Ռօբէրին նախագահել իւր տեղը այդ հանդիսի մէջ և բաժանել մրցանակները: Այդ օրը ամենաքաղցր օրերից մէկն էր երիտասարդ սուպետի համար քանի որ Վենետիկում էր:

Միւս օրը նշանակած էր զօրահանդէս և պաշտօնական հրաւերք ճաշին սպարապետի մօտ: Բայց այդ արգելք չեղաւ Ռօբէրին և նորա երկու խորհրդականներին գործ դնել մի երկու ժամ նաւ պտուելու համար. սակայն դարձեալ յաջողութիւն չունեցան:

Նոքա շարունակում էին ամեն օր, հանդէսներից և պատիւներից մնացած ազատ ժամերում, գնալ նաւահանգիստը, բայց միշտ ի զուր: Միայն մի մարդ տեսան, որին Նոննը տեսել էր արդէն Դոժի պալատականների մէջ, և որ այժմ երևում էր իբրև նաւապետ: Այդ նաւապետը յայտնեց, որ մի շաբաթից յետոյ կամ թէ շատ ուշ՝ տասը օրից յետոյ նա սպասում է մի նաւի գալուն: Ինչպէս հաւատացնում էր նա, այդ նաւը բոլորովին բաւական էր Ռօբէրին և նորա պալատականներին տանելու համար:

Բայց մեր ճանապարհորդները չբաւականացան այդ յուսով: Բացի ջրօրհնէքի օրից, երբ ամբողջ օրը նուիրուած էր ջրըրը օրհնելու հանդիսին և նորանից յետոյ եղած սովորական ուրախութիւններին, Ռօբէրը և իւր խորհրդականները ամբողջ շաբաթ գնում էին ամեն օր նաւահանգիստը նաւ գտնելու, սակայն միշտ անյաջող: Չկար ոչ մի նաւ, չկար մինչև անգամ ապրանքի նաւ, որ պատրաստվում լինէր ճանապարհ ընկնելու: Հարկադրուեցան դիմել դարձեալ նաւապետին, որ սպասում էր իւր նաւի գալուն: Հազիւ հազ կարողացան գտնել նորան, բայց իմացան որ նաւը դեռ չէ եկել, այլ սպասում են:

Բանը ծանրանում էր: Արդէն յունուարի 15 էր, բայց բոլոր յոյսը մնացել էր մի նաւի վերայ, որ ով գիտէ որտեղ էր թափառում: Վազմեցին խորհուրդ:

— Ա՛խ, եթէ այն ժամանակ լսէիք իմ խօսքին, գոչեց Մատիօ դը Մօնսը, եթէ մենք սկզբից գնայինք ծովով, արդէն վաղուց Մօրէում կլինէինք:

Ռօբէրը տարուբերուում էր երկու ցանկութեան մէջ — ներկայ լինել մեծ պարահանդիսին, որ պատրաստում էր Վենետիկի ամենագեղեցիկ տիկնանցից մէկը իւր անուանակոչութեան տօնախմբութեան առիթով, տասը օրից յետոյ և ճանապարհ ելնել որքան կարելի է շուտով:

Վերջապէս՝ նօնը առաջարկեց խնդրել Դօժից հասարակապետութեան նաւերից մէկը: Ռօբէրը երկմտում էր, բայց ի վերջոյ առաջարկութիւնը ընդունուեցաւ ընդհանուր համաձայնութեամբ:

Այդ վճռից յետոյ, հետևեալ օրը երիտասարդ դը Շամպլիտը մարդ ուղարկեց հարցնել Դօժի առողջութիւնը և յայտնել նորան, որ ինքը կամենում է տեսակցիլ նորահետ: Պատգամաւորը լուր բերեց թէ՛ Դօժը հիւանդ է: Ռօբէրը իսկոյն ինքը գնաց պալատը և տեսաւ, որ բոլոր պալատականները վախեցած և տրտմած են: Դօժը շատ հիւանդ էր և բժիշկը պատուիրել էր պահպանել կատարեալ հանգստութիւն: Այդ դրութիւնը շարունակուում էր հինգ օր, և Ռօբէրը ամեն օր գնում էր իմանալ օգոստափառ ծերունու առողջութիւնը. պալատում ամենքը խօսում էին շատ կամաց ձայնով:

Այդ միջոցին սպասած նաւը չերևեցաւ. բայց եթէ նա կանգնած էլ լինէր նաւահանգստում, երիտասարդ իշխանին անվայել էր գնալ առանց Դօժի տեսութեան, մանաւանդ որ նա յայտնել էր նորան, որ հարկաւոր էր համարում խօսել և խորհրդակցել իւրեանց պետական յարաբերութիւնների և փոխադարձ շահերի մասին:

Վեցերորդ օրը, երբ Շամպլիտը գնաց պալատը, ասացին նորան, որ ծերունին փոքր ինչ լաւ է: Ռօբէրը յայտնեց իւր ուրախութիւնը. այդ միջոցին զանգակի ձայն լսուեցաւ Դօժի սենեակից: Պալատական սպասաւորը գնա-

լով ներս, շուտով վերադարձաւ և յայտնեց Ռօմէրին, որ
Դօժը հրաւիրում է նորան մի րոպէով:

10

ԴՕԺԻ ԱՌԱՋԱՐԿՈՒԹԻՒՆԸ

Դօժը պառկած էր անկողնի մէջ: Նորա ատերի կար-
մրութիւնը կարծես թէ վկայում էին, որ նա ամենաին
հիւանդ չէ եղել, բայց այդ երևի թէ ջերմից էր: Դօժի
ձայնը նոյնպէս աւելի հզօր էր, բան թէ պէտք է լինէր
հիւանդութիւնից նուազած մի ծերունու ձայնը:

— Ձերդ բարձրութիւն, ասաց ծերունին, ես լսեցի
ձեր ձայնը նախասենեակից և շտապեցի ներս հրաւիրել
ձեզ: Ես շատ զայրանում եմ հիւանդութեանս վերայ, որը
գրկեց ինձ այնքան քաղցր օրերից, որ մենք կարող էինք
անցկացնել միասին, մահաւանդ որ ինձ ասացին թէ՝ իբր
ձեզ հարկաւոր է եղել տեսնել ինձ: Ոյժերս գեռ նուազ
են, բայց ես պատրաստ եմ ծառայել ձեզ, խնդրեմ յայտ-
նեցէք ինչ որ ցանկանում էք:

Ռօմէրը յայտնեց իւր խորին շնորհակալութիւնը Դօ-
ժին, որ հաճեցաւ ցոյց տալ նորան այնպիսի մեծ պատիւ,
ընդունելով իւր հիւանդ ժամանակ, մինչդեռ ուրիշին ոչ
որին չէր ընդունում: Նա յայտնեց նոյնպէս իւր խնդակ-
ցութիւնը Դօժին առողջանալու համար: Վերջապէս՝ Ռօմէ-
րը խոստովանուեցաւ Դօժին, թէպէտ ոչ առանց դժուա-
րութեան, որ չէ կարողանում մի նաւ գտնել Մօրէ հաս-
նելու համար, ուստի վստահանում է խնդրել նորանից,
եթի կարելի է, տալ հասարակապետութեան նաւերից մէկը:

— Դուք մի այդպիսի ցանկութիւն ունիք, ի՞մ սիրելի
իշխան, և դուք չէի՞ք վստահանում յայտնել ինձ այդ:
Հասարակապետութեան բոլոր նաւերը պատրաստ են ձեզ
համար: Յոյս ունիմ, որ վաղը կամ միւս օրը թոյլ կտայ
ինձ բժիշկը դուրս գալ սենեակիցս. ես կերթամ ձեզ հետ
մեր նաւահանգիստը, և դուք կարող էք ընտրել ձեր հա-
ւանած նաւը:

Ռօմէրը ի զուր էր աշխատում չափաւորել Դօժի այդ-
պիսի եռանդագին պատրաստականութիւնը, հաւատացնելով

որ շնորհակալութեամբ կընդունէ մի ուր և իցէ նաւ: Բայց Դոժը պնդում էր իւր խօսքը, և ասպետը դուրս եկաւ ծերունու սենեակից խորին շնորհակալութիւններ յայտնելով: Շամպլիտը շտապեց տուն յայտնել իւր ընկերներին ուրախալի լուրը և պատուիրել նոցա, որ պատրաստ լինին:

Բայց բժիշկը պատուիրեց հիւանդ Դոժին երեք օր չդուրս գալ սենեակից: Չորրորդ օրը Դոժը յայտնեց իւր բժշկին, Ռօբէրի ներկայութեամբ, որ թոթափում է իւր վզից նորա բժշկական լուծը, և կենդանի թէ մեռած միւս օրը նորին բարձրութեան հետ կերթայ անպատճառ նաւահանգիստը:

Եւ յիսուի միւս օրը, կէսօրին, Ռօբէրը գնաց Դոժի հետ նաւահանգիստը, որը այդ առիթով զարդարուած էր իբրեւ մի մեծ տօնի առիթով: Երեւելի ուղեցոյցը ցոյց տուեց իւր հիւրին նաւակազմութեան գործարանի հոյակապ շինութեան բոլոր մասները մանրամասն բացատրութիւններով, աւելացնելով թէ՛ այդ բոլորը պատրաստ է նորան ծառայութիւն մատուցանելու: Բայց որովհետեւ Ռօբէրտին այդ բոլորը ամենեւին հարկաւոր չէր, ուստի նա անհամբեր շտապում էր տեսնել նաւերը:

Հազիւ թէ յայտնեց նա մութը կերպով իւր այդ ցանկութիւնը, Դոժը իսկոյն տարաւ նորան ամենալաւ նաւերից մէկի մօտ: Նորա ծայրի վերայ փայլում էր վեներակի ոսկեձոյլ թւարձակ առիւծը. տախտակամածը զարդարած էր քանդակագործ արձաններով, իսկ պատերը մեծ մեծ հայելիներով: Ռօբէրտը խեղդում էր ուրախութիւնից, մտածելով իւր մէջ թէ՛ եթէ Դոժը կտայ նորան այդ նաւը, Պելոպոնէսի բնակիչները կհամարեն նորան ոչ իբրեւ լոկ իւրեանց իշխան, այլ իբրեւ թագաւոր թագաւորաց:

— Սա ըուկենտաւրն է, ասաց Դոժը, — սա պսակահանդիսի կառքն է, որ քառասուն տարի տանում էր իմ նախորդներին իւրեանց հարսի մօտ — Ադրիատիք ծովի մօտ: Այս գոռոզ ծովային վիշապը դուրս է գալի իւր որջից միայն տարին մի անգամ, խորհրդաւոր միաւորութեան օրը: Իսկ միւս բոլոր ժամանակ մինչև անգամ Դոժի ձայնը չէ կարող տեղից շարժել սորան:

—Ա՛խ, մտածեց Ռօբէրը, անցնենք դէպի միւսը. քու-
կենտաւորը մեզ համար չէ:

Դօժը դիմեց դէպի նաւահանգստի այն մասը, ուր
պատրաստուում էին բազմաթիւ մեծ և մանր նաւեր: Վե-
նետկի նաւահանգիստը այն ժամանակ ներկայացնում էր
Եւրոպայի նաւահանգիստներից ամենահարուստը: Դօժը ման-
րամասն կերպով բացատրում էր Ռօբէրին ամեն մի նաւի
զանազան արժանաւորութիւնները, ընթացքի արագութիւ-
նը և այլն: Վերջը Դօժը դարձաւ դէպի Ռօբէրը և ասաց
ամենանուրբ քաղաքավարութեամբ.

— Ձերդ բարձրութիւնը կարող է ընտրել այս նաւե-
րից իւր հաւանածը:

— Սոցանի՛ց, գոչեց Ռօբէրը:

— Այո՛, պատասխանեց Դօժը, — այժմ դուք գիտէք գո-
ցանից ամեն մեկի արժանաւորութիւնը և կարող եք ընտրել
կամ աւելի մեծը, կամ աւելի արագընթացը, ինչպէս որ
կցանկանար:

— Բայց այդ նաւերը դեռ ևս պատրաստ չեն:

— Այո՛, դեռ ևս պատրաստ չեն. բայց դոցանից երեքը
կամ չորսը պատրաստ կլինին մի երկու ամսից յետոյ, իսկ
մեծագոյն մասը երեք ամսից յետոյ: Յոյս ունիմ, որ մինչև
այն ժամանակ դուք կմնաք մեզ մօտ հիւր, այս ցուրտ ձը-
մեռ ժամանակ հօ չէք կարող ենթարկել ձեր անձը դժըն-
դակ Ադրիատիք ծովու կատաղութեան, ինչպէս իրաւացի
կոչում էին նորան նախնիքը: Բայց գուցէ ձեր անհամբե-
րութիւնը առաջանում է նորանից, որ մենք չիմացանք հա-
ճոյանալ ձեզ ձեր հիւրասիրութեամբ:

— Այն փառաւոր ընդունելութիւնը, որին արժանա-
ցայ ձերդ վսեմութեան կողմից, պատասխանեց Ռօբէրը —
կարող էր կապել ինձ ընդ միշտ այս ափերին և ստիպել
ինձ մոռանալ անգամ այն իշխանութիւնը, որի համար ես
գնում եմ: Բայց, տարաբախտաբար, իմ պարտաւորու-
թիւնները համաձայն չեն իմ ցանկութիւններին: Ինձ ան-
հրաժեշտ հարկաւոր է գնալ, որչափ կարելի է շուտով,
և աղաչում եմ ձերդ վսեմափայլութիւնից բարեհաճել տալ
ինձ ձեր նաւատորմիդ պատրաստ նաւերից մէկը:

— Ես յոյս ունեի, ասաց Դօժը, որ դուք կընդունէիք

նոր հաւերից մէկը, որ կարող էր լիակատար բաւարարութիւն տալ ձեզ. նորան կ'պատրաստէին համեմատ այդպիսի բարձր ճանապարհորդի արժանապատուութեան: Շատ ցաւում եմ, որ ձեզ հարկաւոր է շուտով ճանապարհ ընկնել, մանաւանդ ցաւալի է ինձ, որ մեր հասարակապետութեան նաւատորմիդը գտնուում է ներկայումս Խոտրիայի ափերի մօտ, որտեղից չի վերադառնայ գարունքից առաջ:

Այդ խօսքերի ժամանակ Նոննը գունատուեցաւ ինչպէս մի մեռնող մարդ. Ռօբէրը կարմրեցաւ և դժուարութեամբ ծածկեց իւր դժգոհութիւնը:

— Ուրեմն ոչինչ հնաք չկա՞յ գնալու, հարցրեց Շամպլիտը. կարելի է, ինձ հարկաւոր է վերադառնալ Փրանսիա և այնտեղից գնալ:

— Ո՛հ, գոչեց Դոժը, որչափ ցաւում եմ, որ դուք առաջուց չասացիք ինձ ձեր անհրաժեշտութեան մասին դ՛նալ անյապաղ: Ես կ'արձու՞մ էի թէ դուք կ'մնաք մեզ մօտ ամբողջ ձմեռը: Բայց եթէ ես իմանայի ձեր դիտաւորութիւնները, գուցէ հնարաւոր կլինէր օգնել մի կերպով ձեր գործին: Սակայն տեսնեմ, դարձեալ՝ կ'փորձեմ... Ես հրամայել եմ կարկատել մի հին նաւ, որ մարտ ամսին ուղարկեմ Վրէտէ. կ'սեսեմ ծովապետին, որ նա շտապեցնէ, և այն ժամանակ, եթէ նաւը պիտանի կլինի, կարող էք ընդունել նորան:

Այդ յոյսը թէպէտ շատ փայլուն չէր, բայց այնուամենայնիւ միակ իրագործելի յոյսն էր ներկայ հանգամանքների մէջ, և մեր ճանապարհորդները ստիպուած էին ակամայ կամօք ընդունել նորան: Նոքա տեսնում էին և պէտք է խոստովանել, որ Դոժը կատարում էր իւր կողմից ինչ որ կարող էր, նոքա օգնելու համար:

Բայց այդ կիսայոյսը արգելք չեղաւ Նոննին միւս օրը դարձեալ գնալ նաւահանգիստը տեղեկութիւններ ժողովելու առևտրական նաւի մասին, որին սպասում էին Եգէական ծովից:

Իսկ Մատիօ դը-Մօնսը կրկնում էր անդադար ողբալի ձայնով.

— Ա՛խ, երանի մենք գնացած լինէինք ծովով:

Հետևեալ օրը Դոժը կանչեց ծովապետին և հրա-

մայեց, Ռօբէրի և նորա ուղեկիցների ներկայութեամբ, շուտով անյապաղ, պատրաստել Առիւծը, որ նշանակուած էր Կրէտէ գնալու, որպէս զի ըստ առաջին հրամանի կարողանայ իսկոյն ճանապարհ ընկնել: Ծովապետը գլուխ տուեց մինչև գետինը և խոստացաւ, որ Առիւծը պատրաստ կլինի շատ շուտով:

Նոյն երեկոյին պատրաստուած էր մեծ պարահանդէս, ուր Ռօբէրը յոյս ունէր չգնալ, թէպէտ ցանկանում էր բոլորովին հակառակը: Այդ պարահանդէսը փոքր ինչ չափաւորեց նորա անհամբերութիւնը:

Միւս օրը պէտք էր հանգստանալ պարահանդիսից յետոյ, իսկ երեկոյեան սպասում էին նոցա նոր ուրախութիւններ: Իհարկէ, ոչ որ բան չէր յիշում նաւի մասին, — չէ՞ որ ժամանակ էր հարկաւոր նորա նորոգելու համար:

Երրորդ օրը գնացին նաւագործարանը իմանալու պատրաստ չէ՞ արդեօք նաւը: Մօտեցան սպասաւորներից մէկին և հարցրին թէ ո՞րտեղ է կանգնած Առիւծը: Նա ցոյց տուեց նոցա անկիւնը:

— Ինչպէս, գոչեց Նօնը, — այդ արկղը, առանց կայմերի և առագաստների, առանց ղեկի և այլ պարագաների, դա՞ և ուրեմն Առիւծը:

— Դա իսկ է, պատասխանեց սպասաւորը. — նաւագործարանում չկայ ուրիշ նաւ այդ անունով:

— Եւ նորան չե՞ն պատրաստում ճանապարհորդելու համար:

— Դուք ինքեանքդ տեսնում էք, որ — ոչ:

Ռօբէրը կատաղեցաւ և պահանջեց իսկոյն նաւագործարանի տեսչին: Երբ նա ներկայացաւ, Համպլիտը հարցրեց թէ ինչո՞ւ չեն պատրաստում Առիւծը:

— Պատրաստել Առիւծը. մի այդպիսի հրաման ես չեմ ստացել:

Սարսափելի կերպով զայրացած Ռօբէրը շտապեց իսկոյն Դօփի մօտ և շատ դառնացած գանգատուեցաւ նորան: Դօփը սկսեց աղմուկ բարձրացնել, որ չեն կատարում նորա հրամանները, որ չունի հաւատարիմ մարդիկ, և իսկոյն կանչել տուեց ծովապետին: Երբ ծովապետը ներկայացաւ, Դօփը զայրացած հարցրեց թէ՛ ինչո՞ւ չեն կատարուած իւր

հրամանները Առիւծի մասին: Ծովագետը պատասխանեց թէ՛ նա ընդհակառակն իսկոյն շտապել է անել հարկաւոր տնօրէնութիւնները, թէ՛ միւսինն օրը հրամանը գրած էր, միւս օրը մաքուր արտագրած և արձանագրութեան մէջ մուծած և միայն մի քանի լոպէ առաջ ուղարկուած է: Դոժը պատասխանեց, որ ինքը չէր երկբայում անգամ ծովագետի շուտափոյթ տնօրէնութեան մասին. վերստին խստիւ պատուիրեց նորան վերջացնել նաւի նորոգութիւնը որքան կարելի է շուտով. և ապա յայտնեց իւր ուրախութիւնը Ռօբէրին, որ նորա ցանկութիւնը շուտով կկատարուի:

Միւս օր, առաւօտը, Ռօբէրը դարձեալ գնաց նաւագործարանը: Բայց որչափ մեծ եղաւ նորա զարմանքը, երբ մօտենալով Առիւծին տեսաւ նորան միւսինն տեղում, միւսինն դրութեան մէջ, միւսինն վսեմափառ անշարժութեան մէջ, ինչպէս և երեկ: Նորա զայրոյթը սահման չունէր և նա վազեց տեսչի գրասենեակը բացատրութիւն պահանջելու նորա այդպիսի անգործունէութեան մասին: Բայց հազիւ թէ Ռօբէրը մտաւ սենեակը, տեսուչը ընդ առաջ վազեց նորան քաղցր ժպիտով, ուրախ դէմքով: Նա յայտնեց ապետին, որ ստացել է արդէն Դոժի հրամանը և շտապել է կատարել իսկոյն, թէ գլխաւոր վարպետին տալու հրահանգը արդէն գրած է, արտագրած և ստորագրած և իսկոյն պէտք է ուղարկէ նորան: Եւ որովհետեւ հետեւեալ օրը կիրակի էր, գործարանի տեսուչը յայտնեց Ռօբէրին, որ գործը կսկսուի երկուշաբթի առանց յետաձգութեան:

Եւ յիրաւի, երկուշաբթի, փետրուարի մէկին, Ռօբէրը առաւօտը կանուխ գնաց նաւագործարանը, հաւատացած լինելով, որ նորա հետ կխօսեն հրամանների, պատճենների, հաղորդագրութիւնների մասին և կվերջացնեն սովորական խոստմունքներով գործել անյապաղ:

Բայց այս անգամ երիտասարդ դը-Շամպլիտը շատ զարմացաւ տեսնելով Առիւծի չորս կողմը զարմանալի գործունէութիւն. մի խումբ բանուորներ խոնուում էին նաւի շուրջը. կացինը և սղոցը արձակում էին այնպիսի ախորժելի ձայներ անհամբեր ճանապարհորդի ահանջի համար: Ռօբէրը նայն ժամայն վճռեց, որ ամեն օր կերթայ հսկելու գործի վրայ և կլինի բախտաւոր վկայ նորա առաջադիմու-

Թեան: Մի օր կարկատում էին նաւի բոլոր վնասուած մասերը, միւս օր կանգնացնում էին կայմը, երրորդ օրը կապում էին պարանները, իսկ չորրորդ օրը ամրացնում էին շեկը և թիերը, և այլն:

Վերջապէս, տասներորդ օրը երեկոյեան, Դօժը, ուրախութիւնը երեսին փայլած, յայտնեց Ռօբէրին, որ Առիւծը արդէն պատրաստ է և սպասում է միայն նորին բարձրութեան հրամանին: Ընդնմին Դօժը խնդրեց հաճութիւն միւս օրը խորհրդակցել Մօրէի ապագայ իշխանի հետ կարևոր գործերի մասին, որք վերաբերում են իւրեանց կալուածների փոխադարձ յարաբերութեանց և թէ ո՞րպիսի անձնական յարաբերութիւններ պէտք է կայանան Վենետիկի Դօժի և Պելոպոնէսի իշխանի մէջ:

Հետևեալ օրը մինչև կէսօր, Դօժը զբաղուած էր իւր գործերով, իսկ Ռօբէրը — ճանապարհորդութեան պատրաստութիւններով: Վէսօրից յետոյ Դօժը իշխանի հետ ընդարձակ խօսակցութիւն ունէր, որ շարունակում էր մի քանի ժամ: Յետոյ տրուեցաւ մի փառաւոր ճաշ Ռօբէրի գնալու առիթով, ուր մասնակից էր Վենետիկի ամենաբարձր հասարակութիւնը: Երեկոյեան Դօժը խնդրեց ծովապետից ներկայացնել իւրեան Առիւծի նաւապետը, որին ասաց Ռօբէրի ներկայութեամբ:

— Դուք պատիւ կունենաք տանել ձեր նաւով նորին բարձրութիւնը: Դուք պէտք է լինիք նրա լիակատար հրամանի տակ: Դուք պիտի գնաք որքան կարելի է արագ և հասցնել պայծառափայլ իշխանին Պելոպոնէսի այն նաւահանգիստը, որ նա ձեզ ցոյց կտայ: Ձեր ճանապարհը դէպի Նրէտէ կղզին կարող էք շարունակել միայն այն ժամանակ, երբ նորին բարձրութիւնը թոյլ կտայ ձեզ: Հասկացա՞ք ինձ:

— Բոլորովին, ձերդ վսեմափայլութիւն, պատասխանեց նաւապետը. — Ես ճշտութեամբ կկատարեմ այն հրամանները, որ բարեհաճեցաք տալ ինձ:

ԱՆՅԱԶՈՂՈՒԹԻՒՆ

Միւս օրը փետրուարի 12-ին Վենետիկի ափունքները լցուել էին ժողովրդի ահագին բազմութեամբ: Դոժի նաւակները փոխադրում էին Ռօբէրին և նորա ուղեկիցներին ցամաքից նաւի վրայ: Ինքը Դոժը ճանապարհ դրեց մինչև նաւը Փրանսիայի ասպետին: Ռօբէրը պատուիրել էր թեթև նախաճաշ պատրաստել նաւի վրայ իբրև շնորհակալութիւն ընդունելութեան փոխարէն: Նախաճաշից յետոյ Վենետիկի Դոժը և Պելլպոնէսի իշխանը բաժանուեցան միմեանցից ջերմ բարեկամութեան զգացմունքներով: Դոժը նստաւ իւր նաւակի մէջ, իսկ Առիւծը հանեց իւր խարիսխը երաժշտութեան նուագածութեամբ: Ամբողջ օրը նաւը լողում էր քաղաքային անթիւ ջրանցքների միջով և հազիւ միայն երեկոյեան դուրս գնաց ծովը և անարգել շարունակեց իւր ճանապարհը: Սկզբում Առիւծը ընթանում էր այնպիսի արագութեամբ, որպիսին անսպասելի էր:

Նաւապետը սկզբում միայն մի անգամ ներկայացաւ Ռօբէրին և այնպիսի ցրտութեամբ էր վարւում իշխանի հետ, այնպիսի մուսլ կերպարանք էր կրում, որ եթէ այդ բոլորը չվերադրուէր հիւանդութեան, կարելի էր կարծել թէ նորան շատ անախորժելի էր գտանուել օտարական իշխանի հրամանի տակ:

Նաւապետը ամենեւին չէր դուրս գալի տախտակամածի վրայ. մինչև անգամ ընթրիքին ներկայ չեղաւ: Նորա փոխանակ նստած էր ընթրիքին նորա օգնականը, մի ժիր, ուրախ և զուարթ երիտասարդ, որ մեծ յարգանք էր ցոյց տալիս իւր բարձր ճանապարհորդին:

Միւս օրը, առաւօտեան, դարձեալ նկատելով նաւապետի բացակայութիւնը, Ռօբէրը հարցրեց նորա մասին մի տեսակ տհաճութեամբ:

— Ինչ՞, պատասխանեց նաւապետի օգնականը, նա այնպիսի դրութեան մէջ է, որ ես երկիւղ եմ կրում նորա կեանքի մասին: Երեկ երեկոյեան նա հիւանդացաւ և այնուհետև ոչ աչք է բաց արել և ոչ մի բառ ասել:

Ռօբէրը խնայեց նաւապետին, բայց ընդ նմին մխիթարուեցաւ, որ նաւի կառավարութիւնը անցել էր օգնականի ձեռքը, որի բնաւորութիւնը աւելի հաճելի էր իշխանին:

Գիշերը օգնականը յայտնեց յանկարծ սաստիկ անհանգստութեան նշաններ: Նաւապետի հիւանդութիւնը սաստկանում էր. հիւանդը ոչ միայն ուռնէ չէր խօսում, այլ և կարծես թէ չէր զգում թէ ինչ էր պատահում նորա չորս կողմը. նորան առաջարկում էին ուտել մի բան կամ դեղ ընդունել, բայց նա ոչինչ չէր պատասխանում:

— Եթէ հիւանդութիւնը կշարունակուի, աւելացրեց օգնականը, մնում է մի միջոց — թողնել նորան Բուդուալում, ուր նա ազգականներ ունի, և ուր կհասնենք, որպէս յոյս ունիմ, վաղը:

Ռօբէրը բոլորովին համաձայնեցաւ այդ կարծիքի հետ:

— Միայն թէ դուրանից չդուրս գոյ ճանապարհի որակից յետաձգութիւն, նկատեց դը Մօնսը:

— Ո՛չ, մի ժամ անգամ չենք կորցնի, պատասխանեց օգնականը, մենք կարող ենք կանգնել նաւահանգստում առանց խարխիւլ ձգելու:

Հասան Բուդուալ նաւահանգստին: Օգնականը յայտնեց, որ նաւապետի առողջութիւնը աւելի վատացել է: Նաւաստիները իջեցրին նաւակը և տարան նաւապետին առանց ուշքի, բոլորովին փաթաթած վերմակներով և վերարկուներով, իւր ազգականների մօտ:

Մի ժամից յետոյ Առիւծը շարունակեց իւր ճանապարհը. Վենետիկից դուրս գալուց ութ օր յետոյ ճանապարհորդները տեսան Ժանօ կղզին Կորֆուի արեւմտեան կողմը: Երկինքը պայծառ էր, Ռօբէրը նստած նաւի տախտակամածի վրայ, Մատիօ դը Մօնսի և Նօննի հետ, նայում էր զուարճութեամբ հեռաւոր լեռների վրայ, որոնք կարծես վազում էին դէպի հարաւ ինչպէս միգամած ամպեր: Ռօբէրին ասացին թէ՛ այդ լեռները պատկանում են Պելոպոնէսին:

— Առիւծը վազում է շատ լաւ, ասաց Ռօբէրը նաւապետի օգնականին:

— Ա՛խ, ձերդ բարձրութիւն, ես առաւել շատ սիրում եմ հին գինին, բան թէ հին նաւերը: Ինչո՞ւ ի զուր վատնեցին

այնքան աշխատութիւն և ծախք այս նաւի նորոգելու համար: Երեկուանից ջուրը սաստիկ վազում է նաւի ներքնաշարկի մէջ, եթէ մենք շատ մօտ չլինէինք Վորֆու կղզուց, ես կանհանգստանայի:

— Ի՞նչպէս, վտանգ կա՞յ. մի՞թէ կարծում էք այդպէս, օգնական:

— Առիւծը կարող է դիմանալ ծովի վրայ ոչ աւելի քան թէ մէկ օր ու գիշեր, իսկ մինչև Կրէտէ մեզ մնում է գոնէ տասնէհինգ աւուր ճանապարհ:

— Իսկ Վլարենցիայից հեռո՞ւ ենք արդեօք:

— Բայց Վլարենցան, կարծեմ, Պելոպոնէսո՞ւմն է:

— Ի հարկէ: Ուրիշը չկայ ոչ մի տեղում:

— Ո՛հ, ուրեմն գոնէ վեց օր, եթէ կունենանք յաջողակ և ուղեկից բամբ:

— Վե՛ց օր: Ես ցանկանում եմ դուրս գնալ Վլարենցայից:

— Վլարենցիայ՝ ում, գոչեց նաւապետի օգնականը: Ձերդ բարձրութիւնը կամենում է անցնել ցամաքը Պելոպոնէսո՞ւմ և ոչ թէ Կրէտէո՞ւմ:

— Անկասկած, պատասխանեց Ռօբէրը ծիծաղելով: Վսեմափայլ Գօթը յանձնեց Առիւծը իմ տնօրէնութեան, որ ինձ տանէ Պելոպոնէս, և ոչ թէ Կրէտէ: Ո՛րքան ժամանակ կհարկաւորի նաւը կարկատելու համար:

— Օր... երկու... երեք..., պատասխանեց օգնականը, մտածելով: Այժմ չեմ կարող ճիշտն ասել: Կտեսնենք թէ ի՞նչպէս են բանում վարպետները Վորֆուում:

— Տնօրինեցէք, որ նոքա աշխատեն որքան կարելի է արագութեամբ և ջանացէք հասցնել մեզ Վլարենցա որքան կարելի է շուտով:

Նաւապետի օգնականը գլուխ տուեց և գնաց անելու հարկաւոր կարգադրութիւններն, որնաւը կարկատեն Վորֆուում:

Վորֆու մօտն արեգակը մայր մտնելուց երկու ժամ առաջ: Բայց որովհետև նաւը կարկատելու համար հարկաւոր էր դատարկել նորան, ուստի բոլոր ճանապարհորդները անցան ցամաքը: Ռօբէրը իւր ուղեկիցներով գնաց հիւրանոց, որ հեռու չէր նաւահանգստից և որտեղից նա կարող էր վերագիտել նաւի նորոգութեան վերայ: Իսկ գը-

Մօնսը գնաց, Ռօբէրտի յանձնարարութեամբ, փոխարքայի մօտ Գօժի նամակներով:

Փոխարքան շտապեց այցելութիւն անել նշանաւոր ճանապարհորդին, հրաւիրեց նորան իւր մօտ ընթրիքին, որ թէպէտ այնքան փառաւոր չէր, ինչպէս Վենետիկի ընթրիքները, բայց և այնպէս բաւական կենդանի և ուրախ: Ընթրիքի վերջում Ռօբէրը սկսեց ազաչել փոխարքային օգնել նորան փութով վերջացնել նաւի կարկատանքը. և փոխարքան հաւատացրեց նորան, որ ամբողջ կղզու բոլոր վարպետներին կ'յանձնէ նաւապետի տնօրէնութեան: Ճանապարհից նեղացած և կուշտ ընթրիքով ծանրաբեռնուած, Ռօբէրը քնեց անուշ քնով. հրաշալի երազները բորբոքում էին նորա երեւակայութիւնը, որ գրգռել էր Վիպրոսի գինին:

Յանկարծ լսուեցաւ մի սարսափելի ճիչ, և Ռօբէրը զարթեց: Չկարողանալով դեռ ևս հաշիւ տալ իւրեանքնած է թէ արթուն, նա սկսեց ուշադրութեամբ լսել, և ահա դարձեալ լսուեցաւ միևնոյն ձայնը նաւահանգստի կողմից: Ռօբէրը իսկոյն վարթեցրեց դը Մօնսին և Նօննին, որք քնած էին միւս սենեակում, և հարցրեց թէ՞ նոքա էլ լըսել են արդեօք շջոցի բամ սաստիկ սուլելու ձայնը:

Դը-Մօնսը լսել էր:

— Ի՞նչ է նշանակում այդ, հարցրեց Ռօբէրը. նաւը ուրեմն գնում է և մենք պէտք է պատրաստուէինք:

— Անկարելի բան է, պատասխանեց դը-Մօնսը: Միթէ կարելի՞ էրայդպէս շուտով նորոգել նաւը: Բացի սորանից եթէ նաւը յիրաւի պատրաստ լինէր գնալու, նաւապետը անշուշտ կ'շտապէր տեղեկութիւն տալ ձերդ բարձրութեան:

Եւ այդ խօսքերն ասելով՝ դը-Մօնսը մօտեցաւ պատուհանին:

— Գիշերը սաստիկ մութն է, ոչինչ չէ երևում ամենեւին. ծովը սև է ինչպէս թանաք. Առիւծը ամենեւին չէ նշմարւում: Եթէ սուլեցին նորա վրայ, այդ կ'նշանակէ, որ գործունեայ նաւապետը պատրաստւում է աշխատելու: Կարծեմ, կարող ենք հանգիստ քնել մինչև որ մեզ տեղեկութիւն կտան:

Նօննը թուում էր թէ նոյն կարծիքի էր, որովհետև անշարժ պառկած էր իւր մահճակալի վերայ:

Ռօբէրը տեսաւ, որ նորա անհանգստութիւնը անտեղի էր, նա պառկեցաւ և դարձեալ քուն մտաւ:

Մի քանի ժամանակից յետոյ Ռօբէրը բացեց աչքերը: Աբաղաղները կանչում էին, արշալոյսը նոր էր սկսում ոսկեզօծել արևելքը: Իշխանը վեր թռաւ տեղից և վազելով պատուհանի մօտ նայեց նաւահանգստի կողմը: Այդտեղ նա կարծեց թէ՝ քունը դեռ ևս մթնացնում է նորա աչքերը կամ թէ դեռ ևս չէր անցել Կիպրոսի գինու ազդեցութիւնը: Ռօբէրն սկսեց շփել աչքերը երկու ձեռքով և դարձեալ սկսեց ուշադրութեամբ նայել ծովի վերայ:

—Նօնն, Մատիօ, աղաղակում էր Ռօբէրը, և մատով ցոյց տուեց նոցա նախ նաւահանգստի վերայ, ուր չկար այլ ևս Առիծը, իսկ յետոյ հորիզոնի վերայ, ուր երևում էր մի նաւ, որ վազում էր արագութեամբ բոլոր առաքաստները բացած, գէպի հարաւ:

Այդ րոպէին ներս մտաւ հիււանդոցի ծառան և մինամակ մատոյց Ռօբէրին:

—Այս նամակը գիշերով բերեց մի նաւաստի, ասաց ծառան. նա հարցրեց թէ քնած է արդեօք իշխանը և ասաց թէ չէ հարկաւոր զարթեցնել, այլ յանձնել նամակը ձերդ բարձրութեան երբ կբարեհաճիք զարթնել:

Նամակի մէջ գրած էր հետևեալը.

«Ձերդ բարձրութիւն»

«Այսօր գուշ ցանկութիւն յայտնեցիք մտնել Պելոպոնէս. ես կարգացի նաւապետին տուած հրահանգները և տեսայ, որ նորան պատուիրած էր գնալ ուղղակի Կրէտէ: Ես ոչինչ բանաւոր հրաման չեմ ստացել, իսկ հասարակապետութեան օրէնքները խիստ են: Ես ունիմ կին և երեք զաւակ: Ամենափոքր շեղմունքի համար հրահանգից, ես կարող եմ դատապարտուած լինել հառաչանաց կամուրջը անցնելու (մահու վճիռ): Վասն որոյ ամենախոնարհաբար խնդրում եմ ձերդ բարձրութիւնից ուրիշ նաւով գնալ Պելոպոնէս. իսկ ես ըստ ինձ տուած հրամանի զօրութեան կերթամ Կրէտէ:

Անձնուէր ձեզ

Օգնական նաւապետի Մ. Մ.»

Նամակը կարդալուց յետոյ Նօննը ուժգնութեամբ զար-

կեց ձեռքը ճակատին և պոկեց գլխից մի բուռը մազ: Դը-
Մօնսը կանգնած էր բերանը բաց, անշարժ, իբրև արձան:
Տեսարանը հետաքրքրելի էր: Բոլոր երեքը կարծես թէ
ցնորուել էին: Նորա նայում էին մին ծովի վերայ, մին
միմեանց վերայ, և դարձեալ ծովի վերայ: Ոչ մի միտք չէր
ծնւում նոցա շփոթուած գլուխներում:

Վերջապէս, դը-Մօնսը սկսեց առաջինը.

— Գնանք փոխարքայի մօտ:

— Գնանք նաւահանգիստը, միւսնոյն ըոպէին գոչեց
Նօննը: Վարձենք ուրիշ նաւ:

— Եւ այնտեղ և այստեղ, ասաց Ռօբէրը: Դուք վա-
ղեցէք նաւահանգիստը, գտէք ուրիշ նաւ, իսկ ես կերթամ
փոխարքայի մօտ:

Այդ կարծիքը ընդունուեցաւ: Աշխատութեան այդ-
պիսի բաժանմունքը ժամանակ էր վաստակում:

Այդպէսով՝ Նօննը և դը-Մօնսը գնացին նաւահան-
գիստը, իսկ Ռօբէրը փոխարքայի մօտ: Բայց հակառակի
պէս փոխարքան տանը չէր և փոխարքայական վարչութեան
քարտուղարը, որին Ռօբէրը պատմեց իւր անտանելի դրու-
թեան մասին, խոստացաւ իսկոյն մարդ ուղարկել փոխար-
քային կանչելու համար: Փոխարքայի տանից Ռօբէրը գնաց
ուղղակի նաւահանգիստը, բայց նա այնտեղ չգտաւ ոչ դը-
Մօնսին և ոչ Նօննին, որպէս և չտեսաւ ոչ մի նաւ, որ կա-
րողանար տանել նորան Պելոպոնէս: Նա ստիպուած էր վե-
րադառնալ տուն և սպասել թէ ի՞նչ կլինի:

Այս ժամից յետոյ, որ Ռօբէրին թուեցաւ իբրև կէս
դար, Նօննը ներս վաղեց յաղթական դէմքով.

— Գտանք, գտանք, գոչում էր նա:

Յետոյ սեղանի վերայ նետելով քսան Վենետիկեան ոսկի,
չարունակեց.

— Մենք գնում ենք վաղը. մենք կունենանք նաւ, ա-
ւելի լաւը Վենետիկի Դոժի բոլոր նաւերից:

— Ո՞րտեղ էք գտել մի այդպիսի հրաշալիք, հարցրեց
Ռօբէրը: Ես չըջեցի բոլոր նաւահանգիստը, բայց չտեսայ
ոչ մի նաւակ:

— Մենք նոյնպէս վաղեցինք բոլոր նաւահանգիստը,
պատասխանեց Նօննը, և ես սկսեցի արդէն կարծել, որ մեզ

Հարկաւոր կլինէր լողալով գնալ Պելոպոնէս: Մտածմունքի մէջ բարձրանում էինք ծովի մօտ եղած բլրակի վերայ, և ահա յանկարծ տեսանք նաւի կայմեր: Վազեցինք դէպի ալնտեղ և փոքրիկ ծովածոցում գտանք խարխաւ ձրգած մի նաւ, որ բաւական էր մեր բոլոր ուղեկիցներին և ձիաներին:

— Եւ նա համաձայն է տանել մեզ:

— Ի հարկէ համաձայն է: Մենք իսկոյն վարձեցինք նորան և ես քսան ոսկի գրաւական վերցրի նորանից: Յամենայն դէպս՝ ես լաւ համարեցի թագցնել ձերդ բարձրութեան անունը և տոհմանունը, որովհետեւ... ո՞վ գիտէ:

— Ի՞նչպէս, դուք կասկածո՞ւմ էք...:

— Չգիտեմ, պատասխանեց Նօնը. բայց մեզ հանդիպած արգելքներից մի քանիսը շատ պարզ չեն թւում ինձ: Յամենայն դէպս ոչ ոքի համար ոչինչ օգուտ չի ունենայ խափանաւթ արգելքներ դնել պարոն Արնոլֆին, Հունգարիայի վաճառականին, գնալ Մօրէ ձիեր ծախելու համար: Ես այդպէս ասացի ձեր անունը նաւապետին.

Վարձեմ, լաւ էք արել. բայց ո՞ւր է դը-Մօնսը:

— Դը-Մօնսը մնաց նաւի վերայ հսկելու, որ նա էլ այնպէս չբաց անէ իւր թւերը, ինչպէս Առիւծը: Նաւապետը խոստացաւ, որ ամեն բան պատրաստ կլինի մինչև երեկոյ: Ուրեմն երեկոյեան ձիերը կտեղաւորենք նաւի վերայ, իսկ վաղը դեռ լոյսը չբացուած ճանապարհ կընկնենք:

— Ուրեմն պատրաստուենք, գոչեց Ռօբերը, թուչկոտալով ուրախութիւնից, և ժամանակ չկորցնենք. իսկ մենք երեկոյեանից ստնենք նաւը:

Եւ երկուսն էլ զարմանալի եռանդով սկսեցին դարսուել և պատրաստուիլ ճանապարհի համար. և միայն բոլոր բանը վերջացնելուց յետոյ գնացին փոքր ինչ պօսնելու քաղաքի մէջ: Արեւը մայր մտնելուց երկու ժամ առաջ նոքա արդէն մտածում էին փոխադրել նաւի վերայ ձիերը և միւս բաները և ահա յանկարծ ներս մտաւ փոխարքան:

— Ձերդ բարձրութիւն, ասաց փոխարքան, շատ ցաւում, որ այսօր առաւօտը տանը չէի, ես ստիպուած էի բացակայել պաշտօնական անհրաժեշտ գործերիս պատճառով: Այնուամենայնիւ ես գործ դրի բոլոր միջոցները, ինչ

որ կարող էի, հեռացնելու համար ձեզանից այն անբաւականութիւնը, որ պատճառեց ձեզ ձեր նաւի գնալը: Որոպէին ինձ յայտնեցին թէ՝ ձեր նաւապետը ձգել է ձեզ այստեղ, ես իսկոյն հրամայեցի սպասաւորներիցս մէկին նըստել շուտով առաջին պատահած նաւը, չինայելով ոչինչ ծախք, պնդել փախստականի ետեից և չվերադառնալ մինչև որ չհասնէ նորան և չյանձնէ նաւապետին իմ հրամանները, և առանց այլևայլութեան վերադարձնել Առիւծը:

— Ըատ շնորհակալ եմ ձեզանից, տէր փոխարքայ, պատասխանեց Թօբէրը: Բայց...

— Մեծ ուրախութեամբ յայտնում եմ ձեզ, շարունակեց փոխարքան, որ իմ ճարպիկ սպասաւորը հասել է նպատակին: Նա արդէն տեղեկութիւն հասցրեց ինձ, որ գնալու համար գտել է այստեղ մի նաւ, որի նաւապետը առաջ է կամեցել գնալ, պատճառելով թէ նաւը արդէն վարձել է ուրիշը և ինքը տուել է քսան ոսկի ապահովագին, բայց ծառաս տուել է նորան քառասուն ոսկի և ստիպել է ճանապարհ ընկնել: Նաւը վարձող վաճառականի ծառաներից մէկն այնտեղ է եղել և կամեցել է ընդդիմանալ, բայց իմ ծառան սպառնացել է ծովը նետել նորան, և այդպիսի ազդու միջոցի շնորհիւ, ժամ առաջ իջնելով սարից, ուրախութեամբ տեսայ, որ նաւը դուրս գնաց նաւահանգստից:

— Նօննը երկու ձեռքով պինդ սղմեց իւր գլուխը և քարշեց մաղերը:

— Բայց դուցէ ձերդ գերազանցութեան յայտնի է, հարցրեց նա դողդոջուն ձայնով, թէ ո՞վ է վարձել այն նաւը:

— Ով էլ որ լինի, պատասխանեց փոխարքան, յամենայն դէպս նրան կհարկաւորի սպասել մի կամ երկու շաբաթ, որովհետև ուրիշ նաւեր չկան կղզու վերայ: Ծառաս գրում է թէ՝ նաւը վարձել է մի հունգարացի վաճառական, որը կարծեմ ձիերով է առուտուր անում:

Եթէ նօննի մաղերը չունենային շատ պինդ արմատներ, նորա անշուշտ կմնային նորա մի ձեռքի մէջ, մինչդեռ միւսը բռունցք էր սեղմել և պատրաստուում էր կայծակի պէս զարնել փոխարքայի գլխին: Բայց բարեբախտաբար նօն-

նը ստիպուած էր մեկնել երկու ձեռքն էլ Ռօբէրին բռնելու համար, որը դեղնած մեռելի պէս, զգաց թէ սենեակը շրջում է նորա չորս կողմը և ինքը փոքր էր մնացել տապալուէր գետնի վրայ:

Բայց Ռօբէրը կարողացաւ պահել իւրեան և փոքր ինչ հանգստանալով՝ հարցրեց նուազ ձայնով:

— Ուրեմն այն նաւը գնաց:

— Գնաց, ասաց փոխարքան յաղթական շեշտով: Նայեցէք ինչպէս արագ լողում է նա դէպի հարաւ, վազելով Առիւծին հասնելու համար: Նա (Առիւծը) այժմ երեւում է հսրիզոնի վերայ ինչպէս մի սպիտակ կէտ, իսկ սա ինչպէս մի թւերը տարածած աղաւնի: Միամիտ եղէք, նա չի վերադառնայ մինչև որ չհասնի ձեր նաւին: Ձերդ բարձրութիւն, ես ցնծում եմ, որ կարողացայ մի ծառայութիւն մատուցանել ձեզ:

— Շնորհակալ եմ ձեզանից, տէր փոխարքայ, ասաց Ռօբէրը, ատամները կրճտացնելով:

Յետոյ, երբ փոխարքան գնաց,

— Ա՛խ, 'սօ՛նն, 'սօ՛նն, յիրաւի մենք կստիպուենք վերջապէս լող տալով գնալ Պելրպոնէս:

'Տօննը պատասխանեց հառաչանքով և մի շարք յիշոցներով բոլոր անցեալ, ներկայ և ապագայ փոխարքաների դէմ, մոռանալով որ վերջինների դասակարգին պատկանում էր և Մօրէի կարծեցեալ իշխանը:

12

ՍՊԱՍԵԼՈՎ ՅԱԶՈՐԴԻՆ

Նաւը Կորֆուից հինգ օր հետապնդում էր Առիւծին, բայց չկարողացաւ հասնել նորան: Վեցերորդ օրը առաւօտեան, գուցէ հրաժարուելով անօգուտ հետապնդութիւնից, նաւը խարխիւ ձգեց Պօնտիկօի մօտ: Այնտեղ նաւապետը ափը հանեց դը-Մօնսին առանց հարցնելու նորանից թէ ցանկանում էր նա արդեօք այդ, թէ ոչ:

Տեղեկանալով, որ կուսակալը Անդրափիդումն էր, դը-Մօնսը գնաց այդ քաղաքը:

Այս անգամ նա այլ ևս չէր կրում ծպտեալ կերպարանք արեղայական վերարկուով, ուստի երբ նա մտնում էր Վիլլարդուինի տունը, բոլոր այնտեղ եղած ասպետները իսկոյն ճանաչեցին, որ նա Մատիօ դը-Մօնսն էր, Վելիգօստի բարօն, և մեծ ուրախութեամբ ընդունեցին նորան: Այդ ուրախութեան հետ խառն էր գուցէ և մի մասն հետաքրքրութեան, ըստ որում նոքա գիտէին, որ մի տարի առաջ Մատիօն գնաց կոմս դը-Շամպլիտի հետ և ամենքը կասկածում էին, որ նորա վերադարձը ունէր որպիսի և իցէ քաղաքական նշանակութիւն:

Վիլլարդուինը տարաւ դը-Մօնսին իւր սենեակը: Խօսակցութիւնը նոցա մէջ շարունակուում էր մի քառորդ ժամի չափ: Վիլլարդուինը դուրս եկաւ սենեակից և հրամայեց կանչել քաղաքապետին:

Յետոյ առանձնացնելով Պետրալիֆասին պատուհանի մօտ, Վիլլարդուինը ասաց նորան:

— Նշանաւոր լուր: Նորին բարձրութիւն մեր իշխանը եկել է:

— Մեր իշխան'նը, գոչեց զարմացած Պետրալիֆասը:

— Այո, Ռօբէր դը-Շամպլիտը, Վիլհէլմ Շամպանեան իշխանի եղբորորդին:

Պետրալիֆասը նայեց Վիլլարդուինին, բայց ոչինչ փոփոխութիւն չնկատեց նորա երեսի վերայ:

— Ահա Վենետիկի Դոժի նամակը, շարունակեց Վիլլարդուինը: Նա ինձ հաղորդում է, որ նորին բարձրութիւնը անցել է Վենետիկով և ճանապարհ է ընկել այնտեղից հասարակապետութեան զինուորական նաւով: Իսկ ահա սա յայտնեց, որ իշխանը հասել է արդէն Վորֆու:

— Կօրֆու:

— Այո, և սորան ուղարկել է առաջ ինձ տեղեկութիւն տալու համար իւր գալու մասին:

— Եւ դուք այժմ ի՞նչ էք մտածում անել, հարցրեց Պետրալիֆասը մոռանալով իւր սովորական զգուշութիւնը, այն աստիճան տանջում էր նորան հետաքրքրութիւնը:

Վիլլարդուինը ծիծաղեց:

— Օգնութիւն խնդրել ձեզանից, Տէր, պատասխանեց նա:

— Ես միշտ պատրաստ եմ ծառայել ձերդ պայծառափայլութեան, ասաց շփոթուած ծերունին. բայց միայն վախենում եմ, որ իմ ղյժերս...

— Ես դէպի չարը չեմ գործ դնի ձեր ղյժերը, ասաց Վիլլարդուինը ժպտալով: Իմ խնդիրս կլինի միայն այն, որ դուք շատ պարտաւորացներով ինձ մնաք Անդրավիւում, որպէս զի իմ կողմից ընդունէք նորին բարձրութիւնը, եթէ նա դուրս կգայ Սան-Ջաքարիայում: Նորին սրբազնութիւն Օրլէնի եպիսկոպոսին ես կուղարկեմ սպասելու իշխանին Պօնտիկօյում, եթէ նա այնտեղ դուրս կգայ, իսկ ինքս կերթամ Բլիդիւրի, որպէս զի հաւասար հեռաւորութեամբ լինիմ բոլոր նաւահանգիստներից: Ահատարէ՞ք իմ խնդիրս:

Պետրալիֆաւը այնպէս քիչ էր սպասում մի այդպիսի առաջարկութեան, որ մի քանի ժամանակ կանգնած էր տարակուսած: Աերջապէս նա ասաց.

— Ես կցանկայի, ձերդ վսեմափայլութիւն, պիտանի լինել ձեզ աւելի ախորժելի դէպքում:

— Այս դէպքը ինձ համար ամենից աւելի ախորժելի է, ասաց Վիլլարդուինը, որովհետեւ բակում է իմ ստրկութեան շղթաները և միջոց է տալի ինձ առանց խանգարելու պարտաւորութիւններս վերադառնալ իմ սիրելի հայրենիքը, իմ ընտանիքի ծոցը:

— Ախորժելի դէպք ձերդ վսեմափայլութեան համար, պատասխանեց ծերունին, խորամանկութեամբ ժպտալով, բայց շատ վշտալի ձեր հպատակների և ձեր մտերիմների համար:

— Ուրեմն ես կարո՞ղ եմ յուսալ, որ դուք կփոխաբիւնէք ինձ իշխանի առաջը, եթէ նա կգայ ուղիղ այստեղ:

— Միշտ պատրաստ եմ ծառայել ձերդ պայծառափայլութեան, պատասխանեց Պետրալիֆաւը:

Ծերունին ենթադրում էր, որ իշխանը աւելի հաւանական է, որ դուրս կգայ Սան-Ջաքարիայում իբրեւ աւելի մօտաւոր նաւահանգիստ, և ուրախ էր գիպուածին առաջինը ինքը ընդունել նորան, և որ գլխաւորն է մնալ նորահետ առանձին:

— Միայն խնդրեմ, իսկոյն տեղեկութիւն տուէք ինձ, երբ որ նա կգայ, ասաց կուսակալը:

—Հանգիստ եղէք բոլորովին, վեմափալ տէրօ— և աւելացրեց իւր մտքում.

—Իսկ եթէ մի օր կամ երկու կուշացնեմ, մեծ փնաս չի լինի:

Այդ ժամանակ ներս մտաւ բաղաբապետը: Վիլլարդուինը մօտ կանչեց նորան բարձր ձայնով, ի մեծ զարմանս բոլոր ներկայ եղողների, որոց հետաքրքրութիւնը սատիկ շարժուած էր:

—Պարոն, ասաց Վիլլարդուինը, ինձ տեղեկութիւն տուին թէ շուտով գալու է մի աղնիւ օտարական, մեր տիրոջ և իշխան Վիլհելմ դը-Շամպլիտի եղբորորդին: Ես գընում եմ Բլիզիի և կսպասեմ նորան այնտեղ: Իսկ եթէ նա կգայ ուղղակի Անդրափիդ, դուք ցոյց կտաք նորան բոլոր արժանավայել պատիւները և կկատարէք վեմափայլ Պետրալիֆասի հրամանները:

Այնուհետեւ Պետրալիֆասը հեռացաւ, իսկ Վիլլարդուինը ճանապարհ ձգելով նորան մինչև դուռը և ողջոյն տալով դահլիճում եղած բոլոր ասպետներին, մտաւ իւր ներսի սենեակները, ուր իսկոյն հրամայեց կանչել բաղաբապետին:

Բոլոր ասպետները և բարոնները, որք լի էին դահլիճում, շրջապատեցին դը-Մօնսին, ցանկալով իմանալ նորանից թէ՛ ի՞նչ մարդ է արդեօք այդ եղբորորդին և ի՞նչ նպատակով է գալի: Բայց դը-Մօնսը մեծ բաղաբազէտ էր. նա յայտնում էր իւր կարծիքը և՛ դրական և՛ բացասական կերպով, և՛ հաստատում էր և՛ մերժում էր, խօսում էր խիստ շատ, բայց չասաց և ոչինչ: Սակայն մի քանի խօսքերը, իբր ակամայ թռած նորա բերանից, թէ՛ կոմս դը-Շամպլիտին ցանկալի է իր տոհմի ձեռքում պահել Պելուպոնէսը, և մի քանի այդպիսի ակնարկութիւնները—մի քանի տեսակ կասկածներ յարուցին: Այնուհետեւ ամենքը ցանկանում էին իմանալ թէ ի՞նչ բնաւորութիւն ունի Ռօբէրը:

—Կատարեալ ասպետ է, ասաց դը-Մօնսը. նա ունի միայն մի առաջնորդ—փառք: Այդ աղնիւ կիրքը տանջում է նորան այն աստիճան, որ ուրիշի փառքը անարգանք է համարում իւր համար. ամեն մէկ մարդ, որ փառք է վաստակում իւր քաջութիւններով, նորան թւում է իբրեւ թըշ-

նամի, իբրև յափշտակող նորա սեպհականութեան: Բայց միևնոյն ժամանակ Ռօբէրը կարող է լինել հաւատարիմ և անձնուէր ընկեր. նորա ընկերները և մտերիմները Շամպանիայում գրեթէ պաշտում են նորան, և նա խոստացաւ նոցա, որ եթէ երբեքիցէ ձեռք կձգէ թագաւորական իշխանութիւն իւր սրի բերանով կամ ժառանգութեամբ, նոցա էլ մասնակից կ'անէ: Իսկ Ռօբէրը հաստատ է միշտ իւր խօսքին: Ես շատ ուրախ եմ, պարոններ, որ նա գալիս է Պելուպոնէս. գոնէ նա կ'համոզուի, որ անհիմն են եղել նորա նախապաշարուած մտքերը: Ես յաճախ ըսել եմ ինչպէս Ռօբէրը ասում էր թէ Պելուպոնէսի կառավարութիւնը վատ է կատարւում և թէ եթէ իշխանութիւնը նորա ձեռքին լիներ՝ կ'փոխէր բոլոր պաշտօնավարներին: Բայց չնայելով սովորական կամակորութեան, ես հաւատացած եմ, որ Ռօբէրը շուտով կ'սոստովանուի, որ սխալուած է եղել պոգ կողմից:

Այդ խօսքերի ժամանակ շատերի երեսները ծռումբուռեցան և շատերը նայեցին միեանց վերայ զարմացական և խորհրդաւոր կերպով:

Միևնոյն օրը, կէս օրից յետոյ, Աթէնքի իշխանի դեսպան Գօտիէն եկաւ Պետրալիֆասի մօտ:

—Գալիս եմ քնաք բարոյն ասելու ձեզ, ասաց նա մշտնելով:

—Ի՞նչպէս, դուք արդէն գնում էք, գոչեց Աննան:

—Ես պէտք է գնամ Վիլարդուինի հետ:

—Միթէ Վիլարդուինը գնում է: Ո՞ւր: Երկա՞ր ժամանակով:

—Նա գնում է Բլիզիւրի, կ'յուսամ, ոչ երկար ժամանակով:

Երևի թէ կանացի ինքնասիրութիւնը ստիպեց նորան առ ինքն վերագրել կ'յուսամ խօսքը, և փոքր ինչ կարմրեցաւ:

—Դուք ասում էք թէ՛ նա գնում է Բլիզիւրի և ոչ երկար ժամանակով, ասաց Պետրալիֆասը, —իսկ ես կարծում եմ, որ նա գնում է Շամպանիա և բոլորովին:

—Դուք կարծո՞ւմ էք, հարցրեց Գօտիէն:

—Շատ կասկածում եմ:

— Ուրեմն ձեր կարծիքով այն ասպետը, որին սպասում եմ...

— Նորա յաջորդն է:

— Եթէ այդպէս է, առաջ Գօտիէն դառնալով դէպի Աննան, այժմ կարող է յոյս ծագել իմ տիրոջ և իշխանի սրտի մէջ: Վտանգաւոր ծերունին ինքը իջնում է ճանապարհից: Թոյլ կտա՞ք ինձ յայտնել նորան այս բարեբախտ լուրը:

— Նախ և առաջ, պատասխանեց Աննան, թոյլ տուէք ինձ հարցնել ձեզանից թէ ի՞նչ էք կամենում ասել դուրանով:

— Ես կամենում եմ ասել, և ես այդ վաղուց հասկացել եմ, որ Պելոպոնէսի կուսակալի որդին աւելի արժանի էր ցանկալ ձեր ձեռքը քան թէ Աթէնքի իշխանի եղբորորդին: Նա, պէտք է ճշմարիտն ասել, մի ասպետ է, որ մինչև այսօր չէ կարողացել հռչակել իւր անունը:

Աննան չքնաղ կերպով կծկեց իւր յօնքերը:

— Պարոն Գօտիէ, սկսեց նա արագութեամբ, որ ցոյց էր տալիս թէ՛ արիւնը սաստիկ եռում էր նորա երակներում, — ես չգիտեմ և չեմ պնդում թէ կամենում եմ գնահատել բոլոր քրիստոնեայ ասպետների քաջութիւնը: Ես բոլորովին հաւատացած եմ, որ Գօգֆրիդ դը Վիլլարդուէնը ամենաազնիւ ասպետն է բոլոր աշխարհի մէջ. ես նոյնպէս բոլորովին համոզուած եմ, որ ձեր տէրը և իշխանը ամենաճշգրիտ իշխանաւորի ամենանշանաւոր եղբորորդին է: Բայց ինձ ի՞նչ փոյթ մէկի աղնութիւնը և միւսի փառքը: Ձեզ շատ ցանկալի է, պարոն Գօտիէ, նպաստաւոր լինել ձեր տիրոջ բաղաժանան շահերին: Ես շատ լաւ հասկանում եմ այդպիսի ցանկութիւնը, դուք պարտաւոր էք այդպէս վարուել: Բայց աղաչում եմ ձեզ. հանգիստ թողէք ինձ, ես ամենևին ոչինչ չեմ հասկանում բաղաժանութիւնից: Մի յուսաւ իմ միջոցով պարգև ստանալ ձեր դեսպանութեան համար:

Երբ Աննան ասում էր այս կծու խօսքերը, նորա աչքերը լցուեցան արտասուքով: Բայց Գօտիէն ոչ միայն չվիրաւորուեցաւ, այլ և բռնեց և համբուրեց օրիորդի ձեռքը:

— Դեսպանի ամենագլխաւոր յատկութիւններից մէկն

է, ասաց նա, տոկունութիւն ձախորդութիւնների մէջ, և ես չեմ կամենում, որ ինձ նախատէին այդ յատկութեան պակասութեամբ: Բայց ահա կուսակալը գնում է, ինձ հարկաւոր է շտապել: Վերադառնայ նա այստեղ թէ ոչ, ինձ թոյլ տուէք վերադառնալ և շարունակել ջանքս հասնել իմ դեսպանութեան նպատակին, և յուսալ աւելի լաւ յաջողութիւն:

—Դուք կարող էք վերադառնալ, պատասխանեց Աննան, իւր գեղեցիկ ոտով թխկացնելով գետնին, յուսով ըստիպել ինձ ատել իմ ձեռքը նոր պտուղին, այնպէս, ինչպէս ես ատում եմ նորա նախորդին:

Գօտիէն գլուխ տուեց, ծիծաղելով դուրս գնաց սենեակից, թռաւ ձիու վերայ և սրննթաց վազեց Վիլլար-դուինի մօտ:

—Դու երեսդ դարձնում ես Վիլլարդուինից, աղջիկս, ասաց Պետրալիֆասը, և իրաւունք ունիս: Վիլլարդուինը ընկաւ և արտաքսուած է: Դու չես ցանկանում ամուսնանալ դը-Լա Ռօշի հետ, ես չեմ նախատում քեզ և՛ այդ բանի համար. մենք ունինք էլի մի երրորդ փեսացու, որ նոցանից երկուսիցն էլ աւելի լաւն է: Քեզ նախասահմանուած է միացնել երկու պետութիւն, ուստի դու պէտք է լըրջութեամբ մտածես:

Աննան յանկարծ թափեց յորդ արտասուքներ: Ծերունին նայեց նորա վերայ հարցական կերպով:

—Այդ ասպետը, հեկեկալով ասաց օրիորդը, երեւակայում է, որ ես գործիք կդառնամ նոցա քաղաքական փառասիրութեանց: Ո՞վ է նորան իրաւունք տուել խօսել ինձ իւր — իշխանաւորի մասին: Ձէ որ ես ասացի նորան թէ՛ ատելով ատում եմ նորա իշխանին:

—Մի բարկանար նորա վերայ դորա համար, ասաց պապը: Շուտով նա ստիպուած կլինի վերջ գնել իւր ձրգտումներին:

Աննան լռիկ նստեց անկիւնում:

Պետրալիֆասը նայում էր փոքր ինչ ժամանակ կուսակալի գնացքի վերայ, որ դուրս էր գնում քաղաքից. յետոյ կանչեց ծառային, տարաւ նորան պատշգամբը և ցոյց տուեց սարի վերայ մի կիսաւեր մատուռ:

— Այնտեղ, ասաց նա, ապրում է մի աղքատ ճգնա-
ւոր. տա՛ր նորան իմ կողմից այս ոսկի դրամը: Ես վաղուց
խոստացել էի նորան ողորմութիւն ուղարկել, բայց մինչև
այժմ խոստմունքս մնացել էր անկատար:

Մի ժամից յետոյ ծառան վերադարձաւ:

— Տուի՛ր փողը, հարցրեց Պետրալիֆասը:

— Այո, ինչպէս որ հրամայեցիր, ձերդ փսեմափայլու-
թիւն:

— Ի՞նչ, ասաց ճգնաւորը:

— Ասաց թէ երեք անգամ պատարագ կմատուցանէ
ձերդ փսեմափայլութեան հոգու փրկութեան համար:

— Ամէն, ասաց ծերունին, աչքերը դէպի երկինքը բարձ-
րացնելով, և գնաց իւր սենեակը:

Մօտ կէս գիշերին նա դարձեալ կամացուկ դուրս ե-
կաւ, մօտեցաւ պատշգամբին և զարմացաւ տեսնելով իւր
թոռնուհուն դեռ ևս այնտեղ նստած: Նա նայում էր դէպի
Բլիդիրին:

— Դստրիկս, վտանգաւոր է այսպէս ուշ մնալ դուրսը,
այժմ ցուրտ գիշերներ են լինում:

— Ո՛հ, վախենալու հարկ չկայ, պատասխանեց Աննան,
երկինքը այնպէս պայծառ է և օդը այնպէս տաք և անու-
շահոտ: Ես զմայլում էի այն տեսարանով, որ գործում էր ձեր
ճգնաւորի տնակի մօտ բլրի վերայ եղած կրակը, և էլի
այն կրակի տեսարանով, որ վառւում է սարի գագաթի
վերայ:

— Այս տարի շատ շուտով եկաւ գարունքը, ասաց
ծերունին, և շուտով կանչեց հովիւներին դէպի լեռները:
Բայց վաղահաս գարունքը խաբուսիկ է. գնա քնելու և
վստահ մի լինիր փետրուարի գիշերի տաքութեան:

Եթէ Աննային յիրաւի ախորժելի էր նայել սարերում
բոցափայլող հովիւների խարոյկների վերայ, նա կարող էր
աւելի ևս զմայլուիլ նոցա տեսարանով հետեւեալ երկու
գիշերը: Գրեթէ բոլոր մօտաւոր և հեռաւոր սարերի վե-
րայ, որք երևում էին հորիզոնի վերայ, խարոյկներ էին
վառւում և երկիրը կարծես թէ կամենում էր մաքառել
փայլմունքով աստեղալից երկնքի հետ:

Բայց չորրորդ գիշերը բոլոր շրջակայքը թաղուած էր
խաւարի մէջ:

Աննան ըստ սովորութեան պատշգամբում նստած,
նայում էր շրջակայ տեղերի վերայ. բայց ոչ սարերի վե-
րայ և ոչ հովտում հովիւների խարոյկները այլ ևս չէին
վառւում: Երբ Աննան խօսում էր այդ բանի մասին իւր
պապի հետ, յանկարծ հեռուից լսուեցաւ մի երկարատեւ
սուլում, յետոյ երկրորդը աւելի մօտ տեղից, և մի քանի
րոպէից յետոյ երրորդը գրեթէ բոլորովին պատշգամբի
տակը: Պետրալիֆասը վեր կացաւ տեղից և մտաւ դահլիճը:

Աննան զարմանքով լսեց ինչպէս պապը պծեղների վե-
րայ զգուշութեամբ քայլելով իջաւ գաղտնի սանդուխքով,
որ տանում էր դէպի փողոցը, բացեց դուռը և յետոյ ինքը
փակեց չկանչելով ոչ մի ծառայ: Փոքր ինչ յետոյ սան-
դուղքի վերայ դարձեալ լսուեցաւ նորա ոտքի ձայնը, բայց
այս անգամ ով որ գալիս էր նորա ետեւից:

Աննան վրդովուած, շտապեց դահլիճը և տեսաւ, որ
պապին հետևում էր մի մարդ վարդապետական շորերով:

— Մենք այստեղ միայնակ ենք, ասաց Պետրալիֆասը.
մեզ հետ է միայն իմ Թոռնուհին, իսկ Աննայից հարկ չկայ
բան ծածկելու:

Դահլիճի մէջ մտնելուն պէս, անծանօթ մարդը հանեց
ձգեց վարդապետական վերարկուն, և Աննան զարմանքով
տեսաւ իւր առաջ Առիւծ Խամարէթին:

— Չաւակս, ասաց ծերունին, երբ դու տեսնում ես,
որ յոյներից ամենաքաջը մտնում է ինձ մօտ այդպիսի շո-
րով, պէտք է հասկանաս դորանից, որ գործը վերաբեր-
ւում է մի շատ կարեւոր ձեռնարկութեան: Աշխատիր ոգի
տալսորան մինչև ես կգամ, յորդորիր յետ չկանգնել գոր-
ծից, որից կախուած է, իմ կարծիքով, մեր ազգի ընդհա-
նուր օգուտը և փառքը:

Պետրալիֆասը գնաց իւր սենեակը:

— Աւելորդ էր պապիս խորհուրդը, ասաց Աննան Խա-
մարէթին. ես գիտեմ, որ դիւցազնական գործերի մէջ ձեզ
անյայտ է յետ դառնալու ճանապարհը. էլ ի՞նչ բանում
պէտք է ոգևորէ ձեզ իմ անգօր ձայնը:

— Ո՛հ Աննա, Աննա՛, դուք սխալւում էք, պատասխա-

նեց Խամարէթը: Ես կարօտ եմ ոգևորող ձայնին մինչև անգամ նորա համար, որ կարողանամ համբերութեամբ տանել կեանքի բեռը:

— Միշտ տրտնւմ, ասաց օրիորդը, միշտ մռայլ մըտքերով:

— Մեծ գործերը, Աննա, չեն կարող կատարուիլ առանց հաւատի, իսկ իմ սրտի մէջ մարել է արդէն հաւատը դէպի ինձ, դէպի բախտը, դէպի նախախնամութիւնը:

— Այդպիսի մտքերը վտանգաւոր են, ասաց Աննան, անկեղծ ցաւակցութիւն արտափայլելով աչքերի մէջ: Ինչու անձնատուր լինել յուսահատութեան: Պէտք է զինաւորուիլ զօրութեամբ և համբերութեամբ: Քաջալերուեցէ՛ք և գործեցէ՛ք. այդպէս է մարդուս պարտաւորութիւնը:

— Չեր խօսքերը, Աննա, թախծութեամբ ասաց Խամարէթը, ախորժելի են սրտիս. նոքա, ինչպէս մօր անուշ երգը, կառուղջացնեն հիւանդ մանուկին: Բայց դիցուք թէ ես քաջալերուեցայ և զինաւորուեցայ զօրութեամբ, ի՞նչ դուրս կգայ դորանից: Երբ կայսերական գահը ոտնակոխ եղաւ խաչակիրների փարշապարով, ես կուրծքս դէմ դրի իբրեւ պատնէշ սարսափելի հեղեղին. հեղեղը անցաւ և ողողեց տարաւ ինձ: Երբ հիւսիսից և հարաւից եկան թափուեցան մեզ մօտ հազարաւոր բաղցած բախտախնդիրներ, երբ մեր բաղաքները ամայացան, բերդերը կործանուեցան, — ես կրկնապատկեցի իմ եռանդը, կամենում էի փրկել մեր հայրենիքի գոնեա մի անկիւնը — Սպարտան, որ երբեմն Յունաստանի փառքն էր և պարծանքը: Աւա՛ղ, հին քաղաքի պարիսպները խորտակուեցան ինչպէս մի շեղջ աւազի, նորա պաշտպանները փախան ինչպէս եղջիւրները որսորդից, և իմ բազուկս ընկաւ անզօրութիւնից, կարծես թէ բռնած ունէր իլիկ և ոչ թէ սուր: Ինչպէս կարող են մռայլ չլինել մըտքերս, երբ մահու վերարկուն պատել է հայրենիքս: Ինչպէս չյուսահատուեմ, երբ տեսնում եմ Յունաստանը աւնարգած. նորա փառքի և ազատութեան արեւը մայր մտաւ յաւիտեան և նորա անունը ծաղր ու ծանակ է դարձել բոլոր ազգերի մէջ: Ես տեսնում եմ, ինչպէս նորա դիակը անպատոււմ են բարբարոսները, որ չգիտեն նորա փառաւոր անցեալը, որ չեն հասկանում նորա անմահ յիշատակ-

ների լեզուն: Ո՛հ, Աննա: Երբ այն լեւներից, ուր փողփողում էին նորա յաղթութեան դրօշները, այն հովիտներից և ծովածոցներից, ուր ամենայն ինչ արտայայտում էր յաղթութեան նշաններ, այն երկնքից, որտեղից արեգակի հետ միասին լուսափայլում էր մեզ ազատութիւնը, երբ այդ բոլորից աչքս դարձնում եմ մեր վրայ, ստրուկներիս վրայ, որ թափառում ենք նուաճած և ստրկացած երկրում, որ ոտնակոխ ենք լինում գոռոզ ասպետների ոտների տակ, — ես հասկանում եմ թէ ի՞նչու ամենքը արհամարհանքով դարձնում են երեսը մեղանից: Իսկ եթէ բարեպաշտ սրտերի մէջ մենք շարժում ենք որպիսի և իցէ աւելի բարեմիտ զգացմունք — այդ զգացմունքը հազիւ թէ կարելի է ցաւակցութիւն անուանել: Ո՛հ, այն ժամանակ ես վրդովում եմ նախախնամութեան դէմ, ես հարցնում եմ — ի՞նչու է նա ինձ ստիպում քարշել կեանքի շղթաները, չէ՛ որ ես հաւիւր անգամ կամենում էի ազատուիլ նոցանից, մա՛հ պտուելով պատերազմների դաշտերում: Ես հարցնում եմ — ի՞նչու նա արմատախիլ չարեց սրտիցս զգալու ընդունակութիւնը:

— Նորա համար, որ Աստուածային նախախնամութիւնը իմաստնագոյն է քան մարդկային կրքերը, պատասխանեց Աննան: Երբ ձմեռը մերկացնում է ծառերը, նախախնամութիւնը պահպանում է նոցա նորա համար, որ նոքա վերստին կանաչեն գարնան, նա չէ ոչնչացնում նոցա միայն այն պատճառով, որ նոքա կորցրել են կանաչ տերևները: Բոլորովին նունպէս եթէ ձեր սիրտը մնացել է ցաւից յետոյ, ուրեմն դեռ բոլորովին չէ թառամել, ուրիշ տեսակ հողմահարութիւնը կը երմացնէ նորան. նա կզգայ վերստին դժ և զօրութիւն, և կենդանութիւն կստանայ բախտի և գործունէութեան համար:

— Խօսեցէ՛ք, խօսեցէ՛ք, գոչեց Խամարէթը. թողէ՛ք ինձ լսելով լսել այդ թանկագին խոստմունքը: Այժմ, երբ մենք ձեռնարկում ենք մի վճռողական, մեծ գործ, բարձրացրէք իմ վարկը իմ սեփական աչքի առաջ և, համոզեցէք ինձ, որ ես չեմ այնպէս անարգ երկչոտ, ինչպէս ես ինձ համարում եմ. վերադարձրէք ինձ հաւատ և զօրութիւն, առաջէք ինձ միայն մի բառ — ասացէք, որ կայ աշխարհում

մի սիրտ, ամենազնիւ սիրտ բոլոր սրտերից, որը դեռ հաւատք ունի իմ վրայ, որը չի մնայ բոլորովին անտարբեր դէպի իմ ձեռնարկութեան հետեանքները:

— Չեր ձեռնարկութիւնները, ասաց Աննան, ներշնչուած են վեհ հոգով, և ես համոզուած եմ այդ բանի մէջ, թէպէտ չգիտեմ նոցա: Սէրը դէպի հայրենիքը ոգևորում է ձեզ աշնպէս, ինչպէս և ինձ. ուրեմն ձեր փորձերը և նոցա յաջողութիւնը չեն կարող անտարբեր կացուցանել ինձ:

Այդ ժամանակ Պետրալիֆասը դուրս եկաւ իւր սենեակից քահանայական շորերով կերպարանափոխուած:

— Մի՛ զարմանար, զաւակս, ասաց ծերունին. այս զգուշութիւնը անհրաժեշտ է: Մթութիւնը և ծածուկութիւնը թողութեան օգնականներն են:

— Ի՞նչ բան էք մտադրել, հարցրեց Աննան անհանգստութեամբ. ո՞րպիսի վտանգին էք ենթարկում ձեզ, պապս:

— Երբ դու ինձ տեսնում ես այս բազուկի պաշտպանութեան տակ, ասաց Պետրալիֆասը բռնելով Խամարէթի ձեռքը, մի վախենար: Բայց ինձ հարկաւոր է գնալ: Աշխատիր, որ Անդրապիւում ոչ ոք չիմանայ իմ բացակայութիւնը:

Յետոյ երկուսն էլ դուրս գնացին տնից, և ծերունին լռիկ մնչիկ հետևում էր Առիւծին քաղաքի փողոցներում:

Հասնելով Ս. Սովիայի եկեղեցուն, քաղաքի արուարձանի մօտ, նոքա հանդիպեցան ծառային, որ կանգնած էր պատի անկիւնում երեք ձիով: Նստեցան ձիերի վերայ և հեռացան նոր ուղեկիցների հետ միասին դէպի լեռները:

13.

ՓԱՄԻՔ ՀՕՐ:

Գնալով երեք ժամի չափ, ճանապարհորդները հասան մի սարի ստորոտին: Պետրալիֆասը և Խամարէթը իջան ձիերից, յանձնեցին նոցա ծառային, և երկուսը միասին գնացին մի նեղ լեռնաշաւղով, որ օձապտոյտ գալարում էր

ժայռերի միջով, և շատ անգամ խամարէթը ստիպուած էր լինում բռնել և օգնել ծերունուն:

Հուտով նորա դուրս եկան հարթած շաւղից և մտան անտառը: Երիտասարդ Լակեդեմոնացին գնում էր անտառի մէջ երբեմն ձեռքով շօշափելով ծառերի բունը, իսկ երբեմն նայելով քարերի դրուծեան վերայ, որ շաղ էին տուած այստեղ ու այնտեղ ճանապարհը ճանաչելու համար:

Դուրս գալով անտառից, ուղևորները տեսան մի խոր ձոր: Նորա սկսեցին ցած իջնել մեծ զգուշութիւններով և հասան մի սրընթաց հեղեղին, որ մեծ աղմուկով գլորում էր իւր ալիքները: Խամարէթը տարաւ ծերունուն գետի ափով, ժայռերի միջով, ուր շատ վտանգաւոր կէտեր ման գալ այդ վայրերնի տեղերին անծանօթ մարդուն: Հասնելով այն տեղին, ուր կարելի էր անցնել հեղեղը, Խամարէթը դուրս քաշեց քարերի տակից մի գերան, օգնեց Պետրալիֆասին անցնել նորա վերայ միւս ափը, և յետոյ նետեց միւս կողմը այդ անարուեստ կամուրջը:

Այնուհետև նորա գնացին մի գետակի ափով, որը ծածկուած էր խիտ թփերի տակ: Ուղևորները գնում էին նորա բոլոր օձապտոյտ դարձուածների ընթացքով և անցնելով մի սարի լանջը տեսան սարի միւս կողմում սոսկալի անդունդներ, կարծես թէ երկիրը ճեղքուել էր հրաբլուր-խային ժայթքումներից:

Ուղևորները նստեցան: Խամարէթը սուլեց երեք անգամ այնպէս, ինչպէս Անդրապիտում:

Մի րոպէից յետոյ սարից պատասխանեցին նոյնպէս երեք անգամ սուլելով. դարձեալ մի րոպէից յետոյ երեւեցաւ մի մարդ և մօտեցաւ ուղևորներին:

— Ի՞նչ տեղ է, հարցրեց նա:

— Լակեդեմոն, պատասխանեց Խամարէթը:

— Ի՞նչ էլի:

— Հաւատարիմ:

Այն ժամանակ անծանօթ մարդը մեկուսացրեց Խամարէթին մի կողմ և կամաց ձայնով փսփսաց նորա հետ: Գոհ մնալով ըստ երևութին, ստացած տեղեկութիւններից, նա ընկաւ առաջ, Խամարէթը և Պետրալիֆասը հետևեցին նրան: Նորա անցան ժայռերի մի տեսակ պարիսպ, որ կանգ-

նած էր նոցա առաջ և տեսան մուտք դէպի մի քարայր։ Մանելով ներս՝ նոքա գտնուեցան մի նեղ խաւար ստորերկրեայ անցքի մէջ, ուր լսոււմ էր քարերի վերայ խորտակուող հեղեղի խուլ աղմուկը։

Պետրալիֆասը ինքն իրանից հարցնում էր մտքում թէ ո՞ր արդեօք պէտք է հասցնէ նորան այդ վայրենի, խաւար ճանապարհը։ Հասնելով պնտեղին, ուր ջրվէժը թափւում էր սև անդունդի մէջ, ծերունին անցաւ մի ժայռուտ պատի մօտից և յանկարծ նորա աչքերին ներկայացաւ մի անսպասելի տեսարան։

Քարայրի դարձուածը նման էր մի ընդարձակ, բոլորաձև դահլիճի. եղևնափայտի խարոյկը, որի ծուխը դուրս էր գնում քարայրի ծածուկ ծակոտիկներով, լուսաւորում էր նորա մէջ տեղը, իսկ հեռաւոր անկիւնները մնում էին խաւարի մէջ։ Խարոյկի շուրջը նստած էին մօտ քառասուն մարդիկ խոժոռ դէմքերով։ Նոքա ամենքը զինաւորուած էին։

Լսելով Խամարէթի և նորա ուղեկիցների ոտի ձայնը, մարդիկ առաջ շփոթուեցան և իսկոյն բռնեցին իւրեանց թրերի կոթերը։ Բայց հէնց որ լակեղեմոնացին մօտեցաւ լուսաւորուած տեղին, ընդ առաջ վազեց նոցանից մէկը, վիթխարի հասակով, ձիու բաշի նման խիտ և երկար մազերով, սև մօրուքով, ոչխարի մորթուց կարած շորով — և այդ բոլորը տալիս էր նորա երեսին մի տեսակ վայրենի, ահարկու կերպարանք։ Նա բռնեց իւր հզօր ձեռքով Խամարէթի ձեռքը և թափ տալով այն կոտորելու վտանգ ըստպառնող ուժգնութեամբ՝ ասաց.

— Լակեղեմոն, փառք Հօր։ Մենք բոլորս էլ ներկայ ենք։ Ա՛խ, ... ես կարծում եմ, որ մենք այստեղ աւելի շատ ենք, յարակցեց նա, մի ծուռ նայուածք ձգելով Պետրալիֆասի վերայ։

— Սա մտերիմ բարեկամ է, ասաց Խամարէթը, կասկած նշմարելով Պետրալիֆասի վերայ ձգած խօսողի նայուածքի մէջ։ — Սա բերել է մեզ օգնութեան խոստմունք Ելլադայի իշխանի կողմից։

— Փառք Հօր, գոչեց վայրենի զինուորը, ձեռքը մեկնելով Պետրալիֆասին։ Մեր հայրենիքի մի ծայրից մինչև միւս ծայրը մենք կամղոււմ ենք մի սիրտ և մի հոգի։ Փառք Հօր։

—Այդ բարեպաշտ բացագանչութիւնը չէ՞ ցոյց տալիս ինձ արդեօք, որ առաջս կանգնած է բաջ Վուստարոսը, հարցրեց ծերունին:

—Նա իսկ է, որին մականուն են տուել Փառք Հօր, ասաց, ժպտալով, զինուորը: Ի հարկէ:

—Բոլոր յայն սրտերը ողբում էին ձեզ, հերոս, պաշտպան Հարտիսի, շարունակեց Պետրալիֆասը: Մեզ լուրեր հասան թէ իբր դուք սպանուած էիք ձեր քաղաքի ակերակների մէջ: Մեծ բախտաւորութիւն է Յունաստանի համար, որ այդ լուրը սուտ է եղել:

—Իմ կեանքի վերջին ժամը գրեթէ զարկել էր, ասաց Վուստարոսը: Բայց Աստուծուն հաճելի էր թողնել ինձ դեռ ևս երկրի վրայ: Փառք Հօր: Գուցէ դառն բաժակի մէջ նա պահում է ինձ համար էլի մի քանի կաթիլ վրէժ-խնդրութիւն:

—Ո՞րտեղ էք դուք թագնւում այն ժամանակ, երբ հայրենիքը ողբում է ձեր կորուստը:

—Սարերի մէջ, ուր չէ թագաւորում ստրկութիւնը: Ես ապրում եմ անտառի գազանների հետ, հեռու բնակալներից. ապրում եմ ինքս էլ ինչպէս գազան անտառի: Բայց ի՞նչ փնաս, գոնէ ես ազատ եմ: Փառք Հօր:

—Աւելի համարձակ եղիր, բաջ զինուոր: Աւելի համարձակ եղէք, բաջ ընկերներ, ասաց Պետրալիֆասը դառնալով դէպի բոլոր ժողովը: Աստուած դեռ բոլորովին չէ դարձրել երեսը իւր ընտրեալ ազգից: Բազմաթիւ մեղքերի փոխարէն Աստուած ուղարկեց ծանր փորձանքներ. բայց մարտիրոսների պսակը նախապատրաստուած է նոցա համար, ով պաշտպանում է սուրբ գործը: Ելլադայի իշխանը յանձնեց ինձ հաւատացնել ձեզ, որ նա ունի կատարեալ համակրութիւն դէպի Պելոպոնէսի եղբայրները: Յայտնեցէք նորան ձեր պէտքերը, հաղորդեցէք նորան ձեր յոյսերը, և նա կմեկնէ իւր ձեռքը թշուառ հայրենակիցներին:

Նորանից յետոյ խօսեց Խամարէթը:

—Մենք պարտաւոր ենք, ասաց նա, անխոնջ հսկել միշտ մեր մօր — հայրենիքի գերեզմանի մօտ և լինիլ պատրաստ օգնելու նորան լսելով նորա սրտից դուրս թուած առաջին հեծը, նշմարելով փրկութեան ամենափոքր յոյսը:

Իսկ այժմ մեր հայրենիքի հառաչանքները ոչ միայն հասել են մինչև մեր ականջը, այլ և բարձրացել են մինչև երկինքը: Ջարկել է ըոպէն գործել յօգուտ նորա, և ահա այդ իսկ նպատակով է, որ ես ժողովել եմ ձեզ, իմ հին զինակիցներ: Աշուքէք ձեր խելքով և ձեր սիրով դէպի հայրենիքը ներկայ ըոպէի բոլոր հանգամանքները և ասացէք ինձ կհասնե՞նք արդեօք երբ և իցէ աւելի բարեպատեհ ժամանակին մեր գործի համար, եթէ միայն յիրաւի ցանկանում ենք թօթափել մեզանից օտար լուծը: Իմացէք երևելի նոր լուր — Վիլլարդուինը փոխուում է:

Այս խօսքերը խորը տպաւորութիւն գործեցին բոլոր ժողովի վերայ, լսուեցան զանազան բացազանչութիւններ: Մի քանի ըոպէ շարունակուում էր շարժողութիւնը: Աերջապէս հանդարտութիւնը նորոգուեցաւ, Ասիւծը շարունակեց:

— Այո՛, Վիլլարդուինը փոխուում է. նորա տեղը ուղարկուում են կոմս դը-Շամպլիտի եղբորորդի Ռօբէրին: Իշխանաւորի այդպիսի փոխուիլը Աստուծոյ ողորմութեան նշան է. այստեղից կարող է ծագել մեր ազատութիւնը: Միթէ դուք կարծո՞ւմ էք, որ Վիլլարդուինը, արեան գնով նուաճելով ամբողջ Պելուպոնէսը բաղաք քաղաքից յետոյ, վայելելով մի քանի ամիս շարունակ անսահման իշխանութեան բաղդութիւնը, ամուր հաստատելով իւր գահը նորան պաշտող ասպետների նիզակների վերայ և ժողովրդի սիրոյ և համակրութեան վերայ, — մի՞թէ դուք կարծուում էք, որ այդ բոլորից յետոյ Վիլլարդուինը յօժար կամքով ձեռքից բաց կթողնէ այդպիսի հարուստ աւարը և կհեռանայ ինչպէս մի ծեծ կերած աշակերտ: Միւս կողմից՝ մի՞թէ կարելի է ենթադրել, որ Ռօբէրը ստանալով հօրեղբոր ժառանգութիւնը և մեր արիւնով ու քրտնքով կերակրուելու իրաւունքը, կհրաժարուի իւր իրաւունքից առաջին հանդիպած դժուարութիւնից յետոյ: Մենք շատ լաւ ճանաչում ենք դոցա բոլորին, այդ ագահ և կամակոր բարոններին: Նոցա յափշտակութեան և իշխանութեան ծարաւը հասնում է ծայրայեղ աստիճանի, այդ կիրքը իշխում է նոցա վերայ և դժուարութիւնները միայն գրգռում են նոցա և ոչ թէ յետըս կասեցնում: Ուրեմն այստեղ կլինի հակառակութիւն

չահերի, ընդդիմահարութիւն փառասիրութեան. իսկ մենք պարտաւոր ենք հարուածել մեր բռնակալներին ամեն միջոցներով, բոլոր ոյժերով: Եւ նոքա հակառակելով ու թշնամութեամբ վարուելով միմեանց հետ ինքեանք կգործեն յագուտ մեր: Մեզ մնում է առայժմս պահպանել միայն կրակը, աշխատել, որ յաղթող կողմի զօրութիւնը չհանգցնէ այդ կրակը:—Վանգները աւելի թոյլի կողմը, որպէս զի հաւասարակշռենք ոյժերը այնքան ժամանակ, մինչև որ կնուազի երկու կողմերի ոյժը և այն ժամանակ հեշտ կլինի մեզ յաղթել նոցա երկուսին էլ:

—Բայց, ո՞րն է հակառակորդներից աւելի թոյլը. հարկաւոր է արդեօք խօսել դորա մասին: Ի հարկէ նա, այն օտարականը, որ գալիս է իւր համար օտար ազգի մօտ: Յաղթողների հետ նա կապուած չէ ոչինչ ընդհանուր քաջութիւններով, իսկ յաղթուած ժողովրդին դեռ նա չէ ցոյց տուել իւր քաջութիւնը, իւր կառավարչական հմտութիւնը: Ուրեմն աւելի թոյլը—Համպլիտն է: Բարօնները պէտք է համարեն նորան իբրև յափշտակող նոցա իրաւունքների, իսկ ժողովուրդը—իբրև քաղցած նուաճող, որ բռնում է նորա քրտնքով արդէն կշտացած իշխանաւորների տեղը: Մենք չենք կարող, ինչպէս հին ժամանակներում, միայնակ բարձրացնել հպարտութեամբ Յունաստանի դրօշակը մեր հայրենիքի ամեն մէկ թշնամու դէմ. ուրեմն խոնարհուենք առ ժամանակ հանգամանքների առաջ և միանանք Համպլիտի հետ: Փրանսիայում մեր վարմունքը կվերագրեն մեր հաւատարմութեան. կասեն թէ մենք ապստամբել ենք մեր իշխանի իրաւունքները և թագաւորի հրամանը պաշտպանելու համար, և մեր ապստամբութիւնը ոչ միայն չի հանդիպի դժուարութիւններին և չի յարուցանի ոչինչ կասկած, այլ և կստանայ գովասանքներ և օգնութիւն: Այդպէսով մենք կջնջենք միակ ամուր հաստատուած և մեզ համար վրտանգաւոր իշխանութիւնը—Վիլլարդուինի և նորա զինակից ընկերների իշխանութիւնը: Ռօբերի գալուց յետոյ Վիլլարդուինը կամ պէտք է գնայ, որ բոլորովին անկարելի է թուում ինձ, որովհետև այդ մարդը ընդունակ է աւելի շուտով տիրել այն բանին ինչ որ նորանը չէ, քան թէ յանձնել ուրիշին այն, ինչ որ ինքն է ձեռք բերել:— և

կամ պէտք է ընդդիմանայ, հզօր իւր իրաւունքի և զօրութեան համոզմունքով: Առաջին դէպքում—մեր գործի կէսը կատարուած կ'լինի, որովհետեւ մի հաստատ հիմք ունի դրած և անյաղթելի բռնակալը կհեռանայ մեր երկրից: Իսկ այն դաշնակցութեամբ և միութեամբ, որի հիմունքը դնում ենք այսպիսի բարեյաջող և բախտաւոր նշաններով, մենք պատրաստուում ենք գործի միւս կէսը—մեզ դժուար չի լինի դուրս քշել նորեկ օտարականին, որ դեռ չէ ստացել ոչինչ ազդեցութիւն: Իսկ եթէ ընդհակառակն Վիլլարդուինը կընդդիմադրէ, այն ժամանակ մանաւանդ հարկաւոր կը լինի առաւել ևս ամրապնդել մեր միութիւնը և դիմագրել միմեանց հետ մարտնչող իշխանաւորներին:

—Աստուծոյ աջը առաջնորդում է մեզ մեր արդար և փառաւոր գործի մէջ, ոգևորուած աւելացրեց Առիւծ Խամարէթը: Ապացոյց առ այս—Ելլադայի իշխանի մեզ համար թանկագին համակրութիւնն և աջակցութիւնն է: Երբ Յունաստանի երկու ձեռքը—Էպիրոսը և Պելոպոնէսը—կմիանան միասին գործելու համար, ես չգիտեմ—կա՞յ արդեօք երկրի վերայ մի ոյժ, որ դիմանար նոցա: Այս միութիւնը իջնում է մեր մէջ իբրեւ երկնային պարգև: Այլ երաշխաւորութիւն ինձ հարկաւոր չէ բացի իմ վսեմափայլ ուղեկցի երաշխաւորութիւնից: Յայտնել ձեզ նորա անունը—ես չեմ կարող, չունիմ մինչև անգամ իրաւունք ի նկատի առնելով նոյն իսկ մեր ձեռնարկութեան օգուտը: Բայց նորա խօսքը դուք կարող էք ընդունել իբրեւ նոյն իսկ Ելլադայի փառաւոր իշխանի խօսք: Հայրենակիցներ, Աստուած ուղարկում է մարդոց գիտաւոր աստղեր և երկնային երեւոյթներ, իբրեւ իւր բարկութեան նշաններ.—նոյնպէս իսկ նա ուղարկում է բարեբախտ հանգամանքներ այն ազգերին, որ հաճել է փրկել և ազատել: Դուք տեսնում էք, ահա՛ Աստուած ուղարկել է մեզ իւր հայրախնամ նախասահմանութեան ամենահզօր ապացոյցը: Եթէ մենք օգուտ կբաղենք Աստուծոյ առ մեզ յայտնի ողորմութիւնից,—մեր ջանքերի փոխարէն կստանանք իբրեւ պարգև—ազատութիւն. իսկ եթէ մենք կարհամարհենք նորա ողորմութիւնը, դորանով ցոյց կտանք, որ արժանի չենք ազատութեան:

Այդ խօսքերից յետոյ թնդացին ծափահարութիւններ

և Վուստարոսը իւր բարձր ձայնով գոչեց — Փա՛ռք Հօր:

Բայց ներկայ եղողներից ոմանք երկմտութեան մէջ էին: Ժողովի աւագագոյներից մէկը շատ երկար խօսեց, թէ որչափ վտանգաւոր է նոր փոթորիկներին ենթարկել հայրենիքի խախտուած նաւակը, զարթեցնել հանդարտուած առիծի կատաղութիւնը, վառել կործանման խարոյկը փոխանակ ազատութեան լապտերի: Բացի դորանից՝ նա արեց այլ շատ նկատողութիւններ թելադրուած զգուշութիւնից և հեռատեսութիւնից, որ մօտ էին փոքրոգութեան:

Խամարէթը վեր թռաւ տեղից:

— Ի՞նչ է, գոչեց նա, միթէ միայն մե՞նք ենք մահկանացու, միայն մե՞նք պէտք է վախենանք թշնամիներից: Ի՞նչ է, մենք նապաստակ ենք թէ եղջերու, իսկ այդ գոռոզ յաղթողները — առի՞ւծ: Միթէ մենք աւելի քի՞չ ունինք հզոր բազուկներ, քան թէ նոքա, որք կարող են գործել, սրտեր, որք կարող են զգալ իւրեանց արժանաւորութիւնը: Հաւատացէ՛ք ինձ — ստրուկները միայն նոքա են, որք կամենում են ստրուկ լինել: Նա, որ դիմադրում է բռնակալներին, կենդանի թէ մեռած — ազատ է. Մի՞թէ մենք չունինք աւելի բարձր պարտաւորութիւններ, քան թէ անձնապաշտպանութեան հասարակ բնադրումն: Կա՛ր ժամանակ երբ այս երկրի վերայ, որ պատկանում էր մեզ, մարդիկ նետուում էին պատերազմի մէջ հոգեզմայլութեամբ, և իբրև ամենաբարձր երջանկութիւն — պտուում էին մահը հայրենիքի համար: Մայրերը, ուղարկելով իւրեանց զաւակներին պատերազմ, ցանկանում էին մեռած տեսնել նոցա, վահանների վերայ բերած, քան թէ կենդանի վերադարձած վահանները ձգելով: Այն ժամանակ մեր Յունաստանը բախտաւորութեան թագաւորութիւն էր, կենդրոն աշխարհքի, երկրաւոր արքայութիւն (գրախոս): Յունաստանի զաւակները, որք այնպիսի քաջութեամբ նուիրում էին իւրեանց կեանքը նորա համար, կամաց կամաց լմպում էին փառքի և երջանկութեան բաժակից: Իսկ այժմ, Ի՞նչ է խոստանում մեզ այս կեանքը, որ մենք կամենում ենք գնել փառքի, պատուի, մարդկային արժանաւորութեան գնով: Խոստանում է ստրկութիւն, ամօթ, արհամարհանք, աղքատութիւն, նախատինք:

Հայկաբերդ	287
Բելուայ սար	»
Լէկք	288
Հայկի սրգիք. — ժողովեց Գիւտ առ քահ.	
Աղանեանց	»

Ա Յ Լ Ե Ւ Ա Յ Լ Ք

Խ. Արովեանի յիսնամեակ	290
Գլադստոն Կ.	291
«Դիւան»-ի նոր հատորը	296
Ս. Էջմիածնի գրչագիրների ցուցակ	298
Գիտական նորութիւն, թրգմ. Լեւոն Մ.Ա.	299
Վանքի միաբանութեան որոշում	305
«Լուծայ» նուիրողներ	307
Ստացուած գրքեր	»
Խմբագրութիւնից	308

ՅԱՅՏԱՐԱՐՈՒԹԻՒՆՆԵՐ

Յ Ա Ի Ե Լ Ո Ւ Ա Յ

Մօրէի իշխան, թրգմ. Վ. Ժ. Վ. Բաստամբան	49—110
---	--------



ԼՈՒՄԱՅ ԳՐԱԿԱՆ ՀԱՆԴԷՍ

(ՉՈՐՐՈՐԴ ՏԱՐԻ)

Առաջիկայ 1899 թվին կհրատարակուի երկու գիրք:

Առաջին գիրքը լոյս կտեսնի յունվարի 1-ին, իսկ
երկրորդը՝ յուլիսի 1-ին կանոնաւորապէս:

«ԼՈՒՄԱՅ» հանդիսի բաժանորդագիրն է տարեկան 3 ռ.
իւրաքանչիւր գիրքն առանձին արժէ 2 ռուբլի:

1896 և 1898 թուերի համարները մնացել են սակաւաթիւ
օրինակներ:

Հասցէն՝ Тифлисъ, Редакція „ЛУМА“ կամ
протоіерею Гюту Аганьянцъ.

